

SEGALONTŠU SA LESWAO

♪ ...Lengwalo. Gomme ke duma re ka no kgona go ema gape lebaka la nakwana, ge re bala go tšwa Pukung ya Ekisodo. Gomme tema ya 4 ya Puku, ka go Puku ya Ekisodo, ke rata go bala ya 1 go fihla ya 8 temana.

Gomme Moshe o fetotše gomme o rile, Eupša... ba ka se ntumele, goba go dumela go segalontšu sa ka: ka gore ba tla re, MORENA ga se a tšwelela go wena.

Gomme MORENA o rile go yena, Ke eng seo ka seatleng sa gago? Gomme o rile, Lepara.

Gomme a re, Le lahlele fase. Gomme a le lahlela fase, gomme la fetoga noge; gomme Moshe a tšhaba go tloga pele ga yona.

Gomme MORENA a re go Moshe, Bea pele seatla sa gago, gomme e tsee ka mosela. Gomme a bea seatla sa gagwe pele, gomme a e swara, gomme ya ba lepara ka seatleng sa gagwe:

Gore ba tle ba dumele gore MORENA Modimo wa bo tatabo, Modimo wa Abraham, Modimo wa Isaka, ... Modimo wa Jakobo, o bonagetše go wena.

Gomme MORENA go feta moo a re go yena, Bea bjale seatla sa gago ka lehwafeng la gago. Gomme a bea seatla sa gagwe ka lehwafeng la gagwe: gomme ge a se ntšhetša ntle, bonang, seatla sa gagwe se be se na le lephera bjalo ka lehlwa.

Gomme o rile, Bea seatla sa gago ka lehwafeng la gago gape. Gomme o beile seatla sa gagwe ka lehwafeng la gagwe gape; gomme a se ntšhetša ntle ga lehwafa la gagwe, gomme, bonang, se be se boetše gape bjalo ka nama ye nngwe.

Gomme go tla tla go phethega, ge ba ka se ke ba go dumela, le ge e le go kwa go segalontšu sa seka sa pele, gona ba tla dumela segalontšu sa seka sa morago.

² A re rape leng. Morena Jesu, mosefetoge, Modimo wa gosepalelw, o dula o swana maabane, lehono, le go ya go ile. Gomme Wena ga o tsoge wa fetoga, gomme re thabela seo kudu. Bjale šegofatša Lentšu la Gago, le palo ya Lentšu la Gago, go dipelo tša rena. Gomme anke re be le tumelo go Go dumela. Leineng la Jesu re a e kgopela. Amene.

Le ka dula.

³ Bjale, le ba bangwe ba batheeletši ba ba bosebose nkilego ka bolela le bona. Gomme ga ke no bolela seo go be ke se bolela. Ke

therešo. Gomme bjale ke nyaka mohuta wa go tšeа nako ya ka gannyane, bošegong bjo, le go bea tiragalo ye. Kafao, morero wa go direng se, ke fa go le thuša. Gomme ge nka se kgone go le thuša goba go le direla se sengwe, gabotse, go dira merwalo ya bophelo bonolo gannyane bakeng sa Bakriste, le go tliša modiradibe go Kriste, ke mopalelwa ka go felela bakeng sa Mmušo wa Modimo. Gomme ka kgonthe ke nyaka go ba tšhegofatšo go Modimo, bjalo ka ge A le maatla a rena le bophelo le thušo.

⁴ Bjale go ruteng se, ke nyaka gore le kwešiše. Le a bona, go ne dilo tše dingwe di tsupologago dinako tše dingwe, tšeо e lego diphiri kudu, tšeо batho ba sa di swarego feela gabotse. Gomme ke nagana ge re ka e dira go hlaka, pepeneneng.

⁵ Batho ba bantsi, boka ge re...ge o sa hlaloše phodišo Kgethwa. Bjale dinako tše dingwe Ngwanešu Roy, mohlomongwe, mo metsotsong e se mekae, e bolele. Eupša ke batho ba ba sa tsebego feela ba swarelele bjang go phodišo Kgethwa, gomme ka go ikgetha ge le—le lenaba le e tla, gobaneng, o—o ka lahlegelwa ke ntwa, gabonolo kudu.

⁶ Nako ye nngwe ge batho ba lwala morago ga go rapelelwa, ba nagana, “Yeo ke ntw....Aowa, ke lahlegetšwe.” Seo ke sešupo o ne yona. Le a bona? Le a bona, seo ke sešupo sa gago. Ge o no sa tsebe...ge o sa tsebe lenaba la gago, o ka kgona go e dira bjang feela mo metsotsong ye masometharo bošego bjo bongwe le bjo bongwe bakeng sa ditirelo tše nnyane tše tlhano, gomme o ile felotsoko gape?

⁷ Le lengwe la matšatši a, ke dumela Morena...ge tsošeletšo ye kgolo e le mohuta wa go homotšwa go kgabaganya setšhaba. Ke kgopetše Morena, ge go ka ba thato ya Gagwe, anke ke hwetše tente, ke e hlome, gomme ga ra swanelia go renta e ka ba eng. Gomme re be le ya tirelo ya mosong bakeng sa go ruta, le badiša le go ya pele, mohlomongwe go tloga lesome go ya lesomepedi; morago ga sekglela, ditaelo ka ga phodišo; gomme gona bošegong bjoo, go rapelela balwetši. Letšatši ka tšatši, lebaka la dibeke. Gomme gona go se be le bošego bja Laboraro, goba ditirelo tša Lamorena, go tsenatsena, goba se sengwe. Feelia Lamorena morago ga sekglela, kafao re ka se tsenatsene le tirelo ka moka, gomme ka tsela yeo go dumelila mang le mang go tla yo a ratago. Ra rapelela balwetši. Gomme ge diabolo a etla morago, goba a bolela e ka ba eng, gona re ka kgona go tla ka gare le go e senka, le go bona feela ke eng e diregago, le a bona.

⁸ Ke nagana seo e ka ba tšhegofatšo ka kgonthe go boagišani, go badiša le bohole ba bona bao ba tla ba tsebago. Ba dumela se. Ka phethagalo ba e dumela, goba ba ka be ba sa rere Beibele. Modumedi e ka ba ofe wa Beibele, modumedi wa kgonthe wa Beibele, o hlaboša ye nngwe le ye nngwe ya ditshepišo tše tša Modimo ka “amene.” Yeo ke nnete.

⁹ Ge o sa kgone go e dumela yohle... O re, “Gabotse, ke dumela *ye*, eupša ga ke tsebe ka ga *Yeo*.” O ne mohlatholli wa go swana yoo Efa a bilego le yena. O lekile... O lekile go Le hlathollela Efa, “Oo, *ye ke nnete, le yeo ke nnete, gomme, oo, yeo ke* ka therešo yeo, eupša ka kgonthé Modimo...”

¹⁰ Modimo o boletše bjalo, gomme Lentšu le lengwe le le lengwe! Ga go Lentšu le letee goba sekafoko sa Lona se ka hlaiwago, go se amogelege. Ge o sa Le amogele ka pelo ya gago yohle, nthathana ye nngwe le ye nngwe ya Lona, gona bokaone ebile o se thome. Le a bona?

¹¹ Elelwang, e bile sekafoko se sennyane se setee sa Lona, go no retollwa, seo se hlotšego bolwetši bjo bongwe le bjo bongwe, goopahlogo go gongwe le go gongwe, lehu le lengwe le le lengwe, se sengwe le se sengwe. Se hlotše tšohle. Feela ka go se dumele sekafoko se sennyane se setee, go hlotše tšohle tše, o nagana go no gatikela ka boomo sekafoko se sennyane setee go tla go buša morago? Mola, batho ga ba amogele seripa sa Lona, dinako tše dingwe, gomme morago ba ipitša Bakriste bonabeng. Le a bona? Le a bona?

¹² Le lokile, nthathana ye nngwe le ye nngwe ya Lona, e no swanelwa go bewa mmogo. Gomme go ne o Tee feela a ka go e dira, yoo ke Moya wo Mokgethwa, ka go Le hlatholla ka go le phethagatšeng ga Gagwe Mong se A rilego O tla se dira. Yeo ke tsela e nnoši yeo ke e tsebago. Bjale ya rena...

¹³ Ke ya go bolela le lena bošegong bjo, goba go ruta, lebaka la lebaka la metsotso e se mekae, go thuto ya... *Segalontšu Sa Leswao.*

¹⁴ A le tsebile, Moshe o boletše fale, o tla... “Ba ka se ke ba kwa segalontšu sa ka. Ba tla re, ‘Morena ga se a bonagala go wena.’”

Modimo o mmoditše nako yeo, o rile, “Bjale ke eng seo ka seatleng sa gago?”

¹⁵ O rile, “Gobaneng, ke molamo, lepara; feela lepara la kgale, molamo wa modiši, boka.”

¹⁶ O rile, “Le lahlele fase.” O dirile, gomme le fetogile sephente. O le topile gape, le be le le sephente... goba lepara gape.

¹⁷ Morago O rile, “Bea seatla sa gago lehwafeng la gago.” Gomme o se ntšreditše ntle, se be se le lephera. Gomme morago o se beile morago gape, o se ntšreditše ntle, se be se fodile. O rile, “Bjale, ge ba ka se dumele segalontšu sa leswao la pele, ba tla dumela segalontšu sa leswao la bobedi.”

¹⁸ Bjale a le lemogile ka fao Modimo a dirago seo, Modimo mosefetoge? A e ka ba mang wa lena a ka yago morago ka Arkansas, e ka ba mengwaga ye lesometlhano ya go feta, ge Segalontšu sa leswao la pele, se tshepišitše Segalontšu sa leswao la bobedi? Le a bona? Ke rile, “Ge seo se phethega, ga go yo a tla kgonago, ntle le ge a no ba mosedumele wa kgonthé, gobane

Se tla hlatha le go tseba se a lego, le go kgona go mmotša ka yona.” Kafao yena ke . . . Ke ba bakae ba elelwago seprof— . . . seo se profetilwego moragorago mengwaga ya go feta, seo se etla kopanong, gomme se rile go tla phethega? Morongwa wa Morena o rile, “Go tla direga gore ebile o tla tseba diphiri tše di lego ka dipelong tša bona.” Ke ba bakae ba tsebago seo? [Phuthego e re, “Amene.”—Mor.] Seo se profetile mengwaga ye mentši ya go feta, le a bona, ge leswao la pele le be le sepela.

¹⁹ Bjale, lefelotiragalo la rena le ka bokamorago bja leganata, ya moprefeta wa motšabi. Moshe o tsebile gore o be a godišeditšwe go phološa Israele; o be a rutilwe seo go tšwa go mmagwe. Gore yena . . . O be a le ngwana wa maswanedi. Gomme—gomme Jogebeda le—le monnamogatša wa gagwe ba be ba rapetše gore Modimo o tla ba romela mohlakodiši, gomme šole o be a belegwe ka lapeng la bona, “ngwana wa maswanedi.” Re tseba kanegelo. Gomme bjale ge a godišitšwe, o tšere yona tsela ya go swana ya go katišetšwa mošomo, bjalo ka ge re ka katiša monna lehono, thwi go tšwa sekolong, go sekolo se sekaonekaone.

²⁰ Ge motho a naganne re bile le pi—pi pitšo ka bophelong bja gagwe, go tla direga eng? Ba tla mo romela go Bob Jones, goba felotsoko, goba ye nngwe ya dikolo tše kgolo, gomme ba mo hweletša mohuta wa godimodimo wa thuto a ka o hwetšago. Gomme seo ke selo se sempempe ba ka se dirago. Seo ke selo se sempempe se ka dirwago. Ge monna a re, “Ke nna Ph. D., LL.D.” seo se no mmea kgole le Modimo, go nna. Le a bona? Modimo ga a, ga se tšona dilo tšohle fale. Modimo o bonolo, go kokobela, Modimo. Le a tseba, o sepela . . . Ba leka go aroganya athomo, gomme—gomme ba leka go go botša o e dire bjang, gomme morago ba tla gatikela lehlare la bjang leo ba sa tsebego selo ka lona. Yeo ke mnete. O no ikiša kgole le Modimo wenamong ka dilo tsela. E se gore ke thekga go hloka tsebo, bjale, le se naganeng seo.

²¹ Eupša ke leka go le botša gore Modimo ga a tsebje ka thuto. Modimo o tsebja ka tumelo. Tumelo, o tseba Modimo, gomme yeo e nnoši, gomme tumelo e nnoši. O no swanela go ba le se sengwe go thea tumelo ya gago go sona, gobane ga se go hloka botlase; leo ke Lentšu la Gagwe. Gomme Moshe o ile sekolong, gomme ba mo rutile gape le gape, gobane, ga go pelaelo, ba naganne gore o tla ba monna yo mogolo wa sešole. Gomme ye histori e re botšago o be a le monna yo mogolo wa sešole, o kgonne go tsea madira a Egepeta le—le go ba Farao wa Egepeta, gomme a lokolla batho, le go ba romela morago go nagalegaae ya bona goba go ba dira ba thope Egepeta. Bjale seo ka kgonthe ke tsela yeo ba nagannego go tla direga. Gomme kafao ba mo katišitše, gomme—gomme o kgonne ebile go ruta dirutegi bohlale tsoko. Ka kgonthe o be a le setswerere le go rutega. Eupša yeo e be e se tsela ya Modimo go e dira. Gomme ge a hweditše e paletšwe, o bile go galaka.

²² Gomme ke seo dikereke di se dirago lehono. Ge ba hwetša, lenaneo la bona la thuto, o ka se kgone thuto go Modimo, monna wa Modimo, o ka se mo dire mokerekgo Modimo. Modimo o ne tsela bakeng sa gagwe go tla, gomme yeo ke tsela e nnoši Modimo a yago go mo lemoga, yeo ke ka tlase ga Madi. Gomme o ka se e dire ka go re, “Bohle re tla ba Methodist. Bohle re tla ba Baptist. Bohle re tla ba Assemblies. Bohle re tla ba church of God. Bohle re tla ba Oneness. Re tla ba se.” Seo se ka se kgotsofatše Modimo, gobane, lenaneo la Gagwe, gore re swanetše go tswalwa gape le go tla ka tlase ga Madi. Gomme kafao dikema tša renatša renadno ba madirwakemetho, gomme di thomišitše, go palelwa, gomme ka mehla di tla ba go palelwa go fihla re etla morago go tsela ya Modimo ya go e dira. Yeo ke tsela e nnoši yeo Modimo a e tsebago, ke ka tlase ga Madi. Ke moo A fetago godimo.

²³ Bontši bja lena le be le le tlase bošego bjo bongwe, goba Lamorena morago ga sekigalela, ke a thank, tlase fale ge ke rerile ka Seka. Swara Seka pele ga gago. Ke ba bakae ba bilego tlase fale, a re boneng diatla tša lena? Gabotse, ke naganne go bille le seholpha go tšwa fa tlase fale. Gomme, Seka, seo ke selo se nnoši seo Modimo a se lemogago, gomme Seka se swanetše go ba gona goba kgwerano ebile e fedišitše. Feela Seka! Gomme Seka ke Moya wo Mokgethwa.

²⁴ Bjale re hwetša gore Moshe, morago ga go direng se, o bille go galaka. Kafao o nno tšhaba, a tlogela Egepeta gomme o ile ntile ka ma—ma maganateng, gomme fale re mo hwetša a nyetše mosetsana wa Moethiopia, o bille le morwa a bitšwago Gerisome. Gomme letšatši le lengwe ge a be a sepela go bapa lehlakore la—la tsela ya go tlwaelega ya kgale ka bokamorago bja leganata fale, a diša dinku, gabotse, o ile a gogwa ke tiragalo yeo e sa tlwaelegago.

²⁵ Gomme Modimo ga a tlwaelege kudu, O dira dilo ka tsela ye bjalo ya go se tlwaelege; kgahlanong kudu le saense, kgahlanong kudu le thuto, kgahlanong kudu dinako tše dingwe le thutamodimo ya motho, feela kgahlanong le seo. Modimo o dira seo feela go bontšha Yena ke Modimo. Gomme, go dira seo, O swanetše go tše yo mongwe yoo a sa tsebego selo tša dilo tše, gore A kgone go šoma ka motho yoo.

²⁶ Ge Jesu a etla, gabaneng A se a tše Kayafa, baprista bao ba katišitwego le go ba komana bakeng sa mošomo? O ile tlase gomme o hweditše monna yoo ebile a sa kgonago go saena leina la bona, “ba go se tsebe le go se rutege,” Beibele e rile ba be ba le. Gobane, Modimo o tše lefela go dira se sengwe go tšwa go lona. Le a bona?

²⁷ Gomme e ka ba neng o fihlago lefelong moo o ikwelago gore ga o selo, gona o no ba komana go tla go Modimo. Ge—ge o fihla go lefelo moo o sa tsebego selo, eupša o nyaka go tseba se sengwe, gona O tla ikutolla Yenamong go wena.

²⁸ Bjale, hlokomelang ge selo se sa go se tlwaelege, ga sa nka sa ke sa direga ka lefaseng, bjalo ka ge re tseba. E be e no ba nako ya khudugo. Khudugo e be e batametše, gomme, ge, *khudugo* e ra, "go ntšhetšwa ntle, o išwa ntle."

²⁹ Gomme bjale re hwetša gore, ka tlwaelo, feela kua go makopano a magahlanatsela a khudugo, sa go se tlwaelege se thoma go direga. Ke a dumela re fale gape. Ke a dumela re fale, go khudugo ya Monyalwa, go ya go gahlanetša Monyadi. Ke a dumela khudugo e batametše.

³⁰ Gomme khudugo ye, go ntšhwā go tšwa—go tšwa Egepeta, morago go nagalegæ ya bona moo ba tshepišitšwego go tla, go be go no batamela, gomme Modimo o ile a swanela go rutagape monna wa Gagwe. Elelwang, Moshe o be a rutilwe lebaka la mengwaga ye masomenne, a hweditše grata yohle ya gagwe ya bongaka le se sengwe le se sengwe, gomme go tšere Modimo feela mengwaga ye masomenne go ntšha go yena se thuto e se beilego ka go yena. Mengwaga ye masomenne ka lešokeng; se se e tšerego, go ntšhetšwa ntle, e be e le go e bea ka gare.

³¹ Gona, le morago selo sohle se segolo se se be se le ka ntle ga gagwe, Modimo o bonagetše go yena ka sebopego sa sethokgwā se se tukago. Bjale ke tla le bontšha gore se be se le ka ntle ga gagwe. Bjale, ge go se, bjale Moshe go beng ra—ra rasaense, a ka be a ile go tšeā mahlare tsoko go tšwa mohlareng, le go a tšeela tlase laborating gomme a a hlahlöfe, go bona ke mohuta mang wa khemikhale le bego le foketšwe ka yona, gore mohlare wola o kgone go tuka gomme o se swe. Le a bona?

³² Gobane, bjale, Baegepeta ba be ba le ditswerere, batho ba saense, ditswerere ka saense kudu go feta re le lehono. Go netefatša seo. Ba kgonne go omiša mmele woo o sa bogegago go tia lehono. Re ka se kgone go dira seo. Go aga phiramiti. Re ka se kgone go dira seo. Le a bona? Dilo tšeō ba bilego le tšona di be di le kgole go fetiša saense ya rena lehono.

³³ Gomme kafao Moshe o be a katišitšwe ka go bohlale bjhöle, kafao seo se mo dirile ramahlale. Kafao, le a bona ge a etla ka Bogoneng bja sethokgwā se, o tsebile sethokgwā se bile le seo a se hlaelago.

³⁴ Ge feela re ka kgona go dira seo lehono, ge feela re ka kgona go tseba ditiragalo tša Modimo di ne se re se hlaelago ka go dikerekemaina tša rena. Se tshepedišo ya rena ya thuto e se hlaelago, Modimo o ne sona ka go ditiragalo tša Bogona bja Kriste. Ke se re se hlokago.

³⁵ Bjale, re hwetša, khudugo ye e batametšego, Modimo o kopane le Moshe gomme o mmoditše se se bego se yo direga, le go mo fa maswao a mabedi. Gomme leswao le lengwe le le lengwe le bile le Segalontšu, Segalontšu sa leswao.

³⁶ Leswao le lengwe le le lengwe go tšwa go Modimo le felegetšwa ke Segalontšu. Nako le nako Modimo a efa leswao

la therešo, go ne Segalontšu go le felegetša. Ge o bona mohuta tsoko wa ditiragalo o etla, gomme o e bogela e sepela, gomme e sa fetogele go se sengwe, gona ga se nke ya ke ya tšwa go Modimo. Le a bona? Modimo ga a no bontšha maswao feela go bontšha Yena ke Modimo. Go ne Segalontšu se se felegetšago leswao lela.

³⁷ Bjale, ka thušo ya Modimo, re tla hwetša seo ka Lengwalong bošegong bjo, gomme re bone ge eba yeo ke Therešo. Le a bona? Fa sethokgwa se se tukago e be e le leswao go Moshe, leo e be e le leswao, gomme le be le filwe go... gomme o kwele Segalontšu go tšwa sethokgweng.

³⁸ Bjale hlokamelang, Modimo ga a tsoge a fetola lenaneo la Gagwe. Ga A tsoge a gomiša Mantšu a Gagwe. Sephetho sa Gagwe sa mathomo se phethagetše.

³⁹ Nka dira sephetho, ke tla re, “Gabotse, ke—ke be ke le phošo, le a bona.” Ke nna motho. O ka dira e tee gomme o swanetše go a gomiša.

⁴⁰ Saense e a e dira gomme ya e gomiša. A le tsebile seo? Ba ka kgona go e netefatša ka saense go ba nnete, gomme ka morago ga nakwana ba netefatša ka saense gore ke phošo, eupša ba ka se amogeleya bona. Ba ka se amogeleya bona.

⁴¹ Bjale, rasaense wa Mofora, e ka ba mengwaga ye makgolotshela ya go feta, goba se sengwe boka seo, a tokološa kgwele ka lebelo le rilego go dikologa tloupo, go beng lefase; goba—goba mengwaga ye makgolopedi ya go feta, ke a dumela e bile, goba a mararo, se sengwe boka seo. Go le bjalo, o netefaditše ka saense, ka go phagamiseng kgwele ye, ka lebelo... Ge—ge yo mongwe a ka ya ka lebelo la go šiiša la dimaele tše masometharo ka iri, eng kapa eng e sepelago lefaseng ka lebelo la dimaele tše masometharo ka iri, kgogedi ya lefase e tla lahlegelwa ke tshwaro ya yona gomme e tla tlošwa lefaseng. Le nagana saense e ya morago le go lemoga seo? Aowa. Ba ya pele le pele le pele. Le a bona?

⁴² Eupša badiredi ka mehla ba leka go lebelela morago go se yo mongwe gape a se boletšego, moragorago ka morago ga bona, sebakeng sa se Modimo a rilego dirang. Re namela mohlare wa Tumelo. Le a bona?

⁴³ Gomme Modimo ga a tsoge a fetola lenaneo la Gagwe. Le ka ithekga go tia go se Modimo a se boletšego lekga la mathomo. Yena o dula a swanela go dula le Leo. A ka se ke, A ka se ke, gomme ga se nke a dira, e ka ba ka nako efe, a Le fetola. Gobane, ge A dira, gona O—O na le magomo boka re le; o dira diphošo, o swanetše go kgopela tshwarelo le go ya morago. Eupša ke Yena mothopo wa bohlale bjohle, mothopo wa maatla ohle; tlhokamagomo, mobagonakamehla, motsebatšohle, makgonatšohle. Le a bona, O no ba, Yena ke Modimo. Ge A se dilo tšela tšohle, gona Yena ga se Modimo. Eupša O swanetše go ba tšeо go ba Modimo.

⁴⁴ Bjale, Modimo ga se nke a tsoge a šomiša lenaneo tsoko la madirwakemotho go Mo hlompha, ntle le ge a no le tlontlolla. Modimo ka mehla o šomiša motho o tee, o tee feela; ga sa nke mokgatlo, ga sa nke kerekeleina. O šomiša motho o tee ka monwana, gobane re a fapana, bohle, o tee go tloga go yo mongwe. Ga sa nke gwa ke gwa ba le baprofeta ba babedi lefaseng ka nako e tee. Ga se nke. Le a bona, ga A e dire, gobane O no bolela go yola yo motee. Ge yola a sepetše, O tsoša yo mongwe go bolela moo nakong yeo. Elelwang, leo ka mehla ke lenaneo la Gagwe.

⁴⁵ Bjale re hwetša fa, sethokgwa se se tukago e be e le leswao. Le be le filwe go goga šedi ya Moshe.

⁴⁶ Bjale seo ke se Modimo a fago leswao bakeng sa sona, ke go goga šedi ya batho. Ke se leswao le lego bakeng sa sona, ke go goga šedi. Gomme re theoga go kgabola Lengwalo fa, bjalo ka ge re Le ruta bjale bakeng sa metsotsa e se mekae, le go hwetša ge eba ga go bjalo, gore O fa maswao a go goga šedi. Gomme ge A hwetša šedi ya batho, gona Segalontšu sa leswao se thoma go bolela. Jesu o fodišitše balwetši, go goga šedi, le a bona, nako yela ge A thoma go rera. Le a bona, ka mehla yona, e goga šedi.

⁴⁷ Sethokgwa se se tukago se filwe Moshe, go goga šedi ya moprofeta wa motšhabi, gomme o retologetše ka thoko go bona se e bego e le. Nako yeo leswao le file Segalontšu. Leswao lonamong le file Segalontšu.

⁴⁸ Bjale digalontšu tše le maswao ke go phafoša batho ka ga Lentšu la Modimo, le no ba komana go hlatselwa. Ka mehla leswao ke go goga dišedi, batho.

⁴⁹ Bjale bontši bja lena babadi ba Beibele, gomme bjale le—le nagana ka ga ditemana tša go fapana ka Beibeleng, gomme re ya go tla go tše dingwe tša tšona, tše, ge leswao le filwe, go goga šedi ya batho, gobane Modimo o ba komana go bolela. O nyaka theeletšo. O nyaka yo mongwe yoo a yago go theetša se A yago go se bolela. Le a bona? Bjale, ka mehla o dira seo. Lentšu la Gagwe le phafoša bona ka ga... Leswao ke go phafoša, go goga šedi ya batho, gore Lentšu le ba komana go bolela.

⁵⁰ Bjale hlokamelang, O ya go bolela ka Lentšu la Gagwe le tshepišitšwego, se sengwe seo A rilego O ya go se dira. Hlokamelang, “Ke kwele, gomme Ke gopola tshepišo ya Ka. Ke kwele dillo tša bona ka Egepeta; Ke gopola se Ke tshepišitšego Abraham.”

⁵¹ Le bona se A yago go se dira? O gogile šedi ya gagwe, bjale O swanetše go tsea Lentšu la Gagwe, O ya go Le fa moprofeta, Moshe. Gobane, yeo e be e le, ke, gomme ka mehla ke, tsela ya Gagwe ya go bolela. Yeo ke tsela ye A e dirago mo mathomong, yeo ke tsela ye A e dirago bjale. O hlwa a e dira go swana. Le a bona? “Lentšu le tla go moprofeta.” Gomme Moshe o be a le moprofeta, gomme bjale o swanetše go profeta gore O be a eya

go tliša Israele godimo. Ga se a bolela ka fao A yago go e dira, eupša O be a eya go ba ntšha ka Egepeta. Gomme, gona, O be a kwele dillo tša bona, le metsetlo ya bona, le dithapelo tša bona. Ba be feela ba letile Modimo . . . Modimo o be a ba letile. O bile le moprofeta wa Gagwe ntle fale ka lešokeng, eupša O be a no letela batho go mmiletša tiragalong.

⁵² Ke a nagana O ne selo sa go swana lehono, go leteleng kereke ya Gagwe go e biletša tiragalong, gore A kgone go dira. Tshepišo lehono e komana, eupša O swanetše go tliša batho go rapelela le go tsetla boka ba be ba le tlase fale, gona e tla tla tiragalong. Le a bona?

⁵³ Moshe o be a le ntle lešokeng, a swareletše fale lebaka la mengwaga ye masomenne. Batho ba ganne le—le leswao, selo se a se dirilego tlase fale, go bolaeng Moegepeta; e be e se tsela ya Modimo, kafao O mmeetše ntle lešokeng le—le go mo rutagape bjale go ditiragatšo, gomme bjale o komana. Gomme Modimo o rile, “Ke kwele motsetlo wa bona, Ke bone metsetlo ya bona, bagapeletši ba bona ba ba hwiphinya, gomme Ke gopola tshepišo ya Ka.” Amene. Le a bona, O komana go bolela bjale, O ne se sengwe le se sengwe madulong. Bjale O bontšha ditiragalo tše di gogago šedi ya moprofeta.

⁵⁴ Ge moprofeta a fihla tlase fale, o bontšitše ditiragalo, gobane o be a le Segalontšu sa Modimo. Monna a ka kgona bjang go olela lerole gomme a le foša, gomme a re O RIALO MORENA; go se letsetse ka nageng, gomme, diiri tše mmalwanyana go tloga nako yeo, se sengwe le se sengwe se nyeuma go tlala ka matsetse? Go se ntšhi felo, le gannyane, gomme o tla re, “A go be le dintšhi”; gomme, selo sa pele le a tseba, ntšhitala ye kgolo ya kgale e thoma go fofa gohle, gomme di be di bobolela batho mogohle. Mang, ke ofe motho a ka go dira seo? E be e le Modimo a šomiša moprofeta yola, a dira lentšu la Gagwe leswao, go fa pitšo, “Re ya go tšwa ka Egepeta.”

⁵⁵ Fale, šetšang sekgauswi ka kgonthe bjale. O ya go bolela, kafao O swanetše go goga šedi ka leswao, gomme segalontšu sa leswao ke se A yago go se bolela. Lentšu la Gagwe, Lentšu la Gagwe le le tshepišitšwego le ya go hlatselwa bjale. Le a bona? “Ke dirile tshepišo gore Ke tla ba ntšha ka seatla se maatla; Ke tla bontšha maatla a Ka ka nageng yela,” le e ka ba eng A yago go e dira. Bjale, O dirile tshepišo go Abraham, Yena šo o komana go e dira. Kafao, O fa leswao, Pilara ya Mollo e letše morago ka sethogweng se se tukago, gomme O botša Moshe, “Bjale o ya go ba seboleledi sa Ka. Theogela tlase fale, gomme Ke tla ba le wena.”

⁵⁶ Gomme ge a fihla tlase fale, gona Lentšu le le tshepišitšwego, leo A bego a le tshepišitše, le be le hlatseditšwe. Seo e be e le Segalontšu sa leswao. Le a e hwetša bjale? Hlokomelang, “Ke kwele metsetlo ya bona. Ke gopola tshepišo ya Ka.”

⁵⁷ Modimo ga a tsoge a fetoga. Ka mehla O e dira ka tsela ya go swana. Go tleng ga moprofeta ke leswao gore Modimo o komana go bolela. A le kile . . . Bjale hlodiššang Mangwalo. Le a bona? Beibele e rile, Modimo o rile, Yenamong, “Ga A dire selo go fihlela A E utolotše go baprofeta ba Gagwe.” Yeo ke nnete. O e dira ka bona, gobane e tla go yena. Bao ke bahlanka ba Gagwe, le a tseba. Go lokile.

⁵⁸ Go tleng ga moprofeta ke leswao leo le hlokomologilwego ke batho, nako le nako. Ba a le hlokomologa. Ga ba ke ba le swara, ka mokgwa mang, ntle le ge e le bale ba nago le mahlo a bona a budulogile go le bona. Bale ba ba kgethetšwego go Le bona, ba a Le bona. Eupša go tleng ga moprofeta e be e le leswao gore Modimo o komana go bolela, gobane, ge Modimo a sa ye go bolela, moprofeta a ka se be lefaseng. Bjale elelwang seo, a ka se be lefaseng ntle le ge Modimo a be a le komana go bolela. Gomme yeo ke tsela ye A bolelago, ke ka ditšhanele tsela. Modimo mosefetoge ga se a tsoge a e dira ka tsela efe ye nngwe. Hlokamelang.

⁵⁹ Ye ka mehla ke tsela ya Modimo ya go dira Segalontšu sa Gagwe go tsebja go batho ba Gagwe. O romela moprofeta wa Gagwe gomme o fa leswao; gomme morago o tsea Segalontšu sa Gagwe seo se boletšwego pele, go Lentšu la Gagwe, gomme a Se hlatsela ka monna yo. Gomme ba a tseba gore ke Segalontšu sa Gagwe gobane ke Lentšu le le tshepišitšwego la letšatši. Oo, ge batho ba ka kgona feela go bona seo. Ge ba ka kgona feela go ema feela nakwana le go lemoga, gore, le a bona, ga go tsela go ba dira go e dumela, ga go—ga go tsela, motho (Modimo Yenamong a ka se kgone go e dira.), go dira batho go se dumela. Ba swanetše go se dumela. Gomme ge go se na selo go dumela ka sona, ba ka kgona bjang go dumela, le a bona, ga go kgathale se ba se dirago?

⁶⁰ Beibele e rile, “Le ge A dirile mehlolo ye mentši bjalo, efela ga se ba kgona go dumela” gobane, Jesaya o e bonetšepele, gomme o rile, “Ba ne ditsebe gomme ga ba kgone go kwa, mahlo gomme ga ba kgone go bona.” Gomme efela O be ka phethagalo a le Mesia, o dirile tlwa se Mesia a se boletségo. Gomme ba rile, “Monna yo o no thubaka dikereke. Gomme, Yena, ga re tsebe O tšwa kae.” Le a bona? A seo ga se tlabe gore ba tla dira seo? Eupša Beibele e rile ba tla e dira.

⁶¹ Gomme Beibele gape e boletše, ka letšatšing le ba tla dira selo sa go swana. “Hlogothata, monagano wa godimo, barati ba maipshino go feta Modimo, baphari ba maaka, bagosekgotsofale, banyatši ba tseo e lego tše botse; ba ne sebopego sa bomodimo, eupša ba tla gana Lentšu le le hlatseditšwego, Maatla fale, kolobetšo ya Moya wo Mokgethwa, le go ya pele; ba ba bjalo ba šikologeng. Gobane ba ke mohuta wo o breakanyago disosaete tša basadi, gomme ba eya ntlong go ya ntlong, gomme ba hlahlah basadi ba ditlaela ba imetšwego ke dikganyogo tša mehuta, ga ba tsoge ba tla tsebong ya Therešo.” Le a bona? Bjale, seo se

profetilwe, gomme seo se swanetše go phethega gobane ke O RIALO MORENA. Hlokamelang, “Eupša botlaela bja bona bo tla bonagatšwa, bjalo ka Janese le Jamboro, mo matšatšing a mafelelo.”

⁶² Bjale ka mehla a dira go tsebja Segalontšu sa Gagwe go batho ba Gagwe, ka moprofeta leswao la Gagwe. Ke bolela ka Moshe, ke moo ke itshemilego, gomme le bone moo re lego gona. Lentšu la Modimo le bonagatšwa ka Segalontšu sa leswao.

⁶³ Bjale leswao leo le tshepišeditšwego letšatši, le dirwa pele ga batho, gomme morago Lengwalo le le ngwadilwego le tla pele, ke Segalontšu sa leswao lela. Ge le sa fe Segalontšu sa Lengwalo, gona dula kgole le lona, le a bona, ga se Modimo. Gobane, Modimo a ka se tshepiše Se bakeng sa lehono, gomme a re, “Gabotse, ye ke yona.” Le a bona, Modimo ga a kgone go dira seo. Modimo a ka se tshepiše se sengwe bakeng sa letšatši le tee, gomme a re, “Aowa, aowa, ga—ga se yona. Nka—Nka se dire seo. Seo e be e le bakeng sa letšatši le lengwe.” Se A se tshepišago, O swanetše go dula le sona, gomme leswao la kgonthe la Lengwalo ke Segalontšu sa Lengwalo.

⁶⁴ Leswao la Moshe, leo a le bonego, e be e le Modimo ka seetša sa khosmiki. Gomme gona ge A dirile seo . . .

⁶⁵ Gomme e ka ba go e na yo a tsebago leswao la kgale la Sehebere, ebile pele go bile Beibele e ngwalwa? E be e le sebopego sa khutlotharo, goba sebopego sa ntikodiko sa seetša sa khosmiki, nnete tlwa, Logos. Bjale, Ngaka Lamsa o ne leo ka Beibeleng ya gagwe, go khabara ka ntle.

⁶⁶ Bjale re lemoga gore Moshe o be a gogilwe ke leswao le, gomme leswao le le boletše le Moshe ka segalontšu sa Lengwalo. Le a bona, leswao le mo gogile. Gomme morago O rile, “Ke gopotše tshepišo ya Ka, gomme Ke theogile go ba namolela. Gomme Ke ya go šomiša wena bakeng sa seboleledi. O theogela tlase fale.” Moshe o dirile maitshwarelelo a gagwe, eupša Modimo o mo romile, go le bjalo.

⁶⁷ Bjale, Yena, yeo ke tsela ya Gagwe go hlatholla Lentšu la Gagwe. Mopropeta, ka Lengwalong, pele o swanetše go ba m—m mmoni yoo a hlatseditšwego. Ga ya swanelwa go no ba moisa ofe kapa ofe a etla go bapa, a re, “Ke swere O RIALO MORENA,” gomme wa go latela a re, “Ke re O RIALO MORENA.” Baprofeta ga ba bewe diatla go bona gomme ba dirwa baprofeta. Baprofeta ba kgethetšwepele bakeng sa iri. Beibele e bolela ba tla tla neng, se ba tla se dirago. Baprofeta ba—ba ronngwe go tšwa go Modimo. Ke diofisi tša Modimo, bao ba tswaletšwego.

⁶⁸ Modimo o boditše Jeremia, “Pele ebile o ka ingwa ka popelong ya mmago, ke go beetše moprofeta go ditšhaba.” Le a bona? Ba no ba . . . Seo se swanetše go ba ka phethagalo ka go monna. Yona ke . . . Ga se Yena; ke mpho go tšwa go Yena. Moshe o tswetšwe moprofeta. Jeremia o tswetšwe moprofeta.

Jesaya, moprofeta. Johane Mokolobetši, moprofeta. Modimo o be a boletše le bona.

⁶⁹ Gomme se ba se bolelago se swanetše go ba therešo. Gomme tsela yeo batho ba swanetšego go tseba ge eba ba a rereša goba aowa, se a se bolelago se swanetše go nepagala, gobane se a se profetago ke ditshwanelo tša pitšo ya gagwe go tšwa go Modimo, ge Modimo a hlatsela se a se bolelago go ba Therešo. Bjale ke ka lebaka leo ke lekago go bolela dilo tše bosegong bjo, gore le tle le kwešiše. Le a bona? Bjale ge . . .

⁷⁰ Beibele e boletše godimo fa, “Ge eba a le gona magareng ga lena, yo a lego wa semoya goba moprofeta, Nna Morena ke tla itsebiša Nnamong go Yena, ka dipono, ka bolela le yena ka ditoro.” Morago O re, “Ge eba moprofeta yo o bolela e ka ba eng gomme ga e phethege, gona le se e dumele.” Bjale seo ga se bontši kudu go feta tlhaologanyo ye e sekegilego. “Eupša ge se a se bolelago se phethega, gona kwang, gona le swanetše go mmoifa,” gobane O na le yena.

⁷¹ Bjale re hwetša, se Moshe a se boletšego se phethega. Le a bona? Seo se mo dirile mmoni yo a hlatseditšwego. Tšeо e be e le ditshwanelo tša gagwe, gobane se a se boletšego se phethagetše. O rile, “E ka ba ka nako ye gosasa go tla ba matsetse gohlegohle mmung,” gomme šefale go bile. “Nako ye gosasa go tla ba *engeng*,” gomme šefale go bile. Go swanetše go betha tlwa mo mothalong, e sego feela go tlaruma.

⁷² Banna ba bantši kudu lehono, ge le ka ntshwarela se feela motsotso. Gomme ga ke moahlodi goba . . . Ke no fetiša mmono wa ka. Monna ba bantši ba tsogile, monna wa go loka wa go tlala ka Moya, gomme ba leka, ba ya ntle . . . Mohlomongwe Morena o ba fa mpho ya boprefeta.

⁷³ Bjale, go ne phapano ya dimaele tše milione magareng ga mpho ya boprefeta le moprofeta. Le a bona? Mpho ya boprefeta e swanetše e ahlolwe ke ba bararo pele ebile e ka fetišetšwa ka kerekeng. Re a tseba ke sa go swana le go bolela ka maleme, go swanetše go ya pele ga baahlodi ba bararo pele ebile e ka fiwa go kereke.

⁷⁴ Bjale re hwetša, bjale gore banna ba ba ya ntle dinako tše dingwe, gomme morago batho ba thoma go gatelela go bona, “Oo, ngwanešu, ke eng o tla e bolelago?”

⁷⁵ Le a bona, o ya ka kgahlišo, le a bona, ka tsela ye a ikwago, “Gobaneng, Morena o tla dira seo, O RIALO MORENA.” Ao ke maaka, le a bona. Wena, ge . . . O ka se re O RIALO MORENA go fihlela Modimo, ka leleme la Gagwe Mong, a boletše le wena le go go botša seo, gona ga se wena o e bolelago, ga se kgahlišo ya gago. Beibele e rile ge moprofeta a dirile seo, o be a eya ka go tšeа o ka re, seo ke go tšeа o ka re, gomme go tšeа o ka re ke “go ya ntle le maatlataolo,” o ya ka boyena.

⁷⁶ Eupša ge o bona monna a bolela se se yago go phethagala, mo Leineng la Morena, gomme e phethega tšatši ka tšatši, beke ka beke, kgwedi ka kgwedi, ngwaga ka ngwaga, gona o a tseba seo se tšwa go Modimo. Le a bona? Tšeо ke ditshwanelo tša Modimo go motho, gore yena ke mohlatholli wa Lentšu le le ngwadilwego bakeng sa letšatši, gobane Modimo o rometše monna go e dira.

⁷⁷ Ge dikereke feela di bile le ye e rilego ya go loka, thuto ya go kwagala go dilo tše, le a bona, ba be ba tla Le kwešiša. Selo se nnoši re hwetša mohlala o tee wo monnyane gomme re kitima boka lehlanya le ona, seo e no ba go tšeа go selo sela se tee le go no dira setlošabodutu ka yona. Seo ke se kerekelaina ye nngwe le ye nngwe—ye nngwe le ye nngwe e hlogilego go tšwa go sona.

⁷⁸ Ge Martin Luther a ka be a ile pele ka go tlhwekišo, ok. Ge Mamethodist a Wesleyan a ka be a ile pele ka go kolobetšo ya Moya wo Mokgethwa le pušetšo ya dimpho, nkabe go bile kerekе ye kgolo e tee ya Morena, nako yohle. Eupša ba hwetša selo sela se sennyane se setee gomme ba netefatša se lokile, gomme bona šebale. Eupša, ba swanetše go e dira, Beibele e rile yeo ke tsela ye ba tla e dirago. Le a bona? Gomme go swanetše go be ka tsela ye, lehono.

⁷⁹ Ke a holofela ttelase ya ka e kweš- . . . A le kwešiša se ke se rago? Phagamiša seatla sa gago gore . . . Le a bona? [Phuthego e re, "Amene."—Mor.] Gomme, kwešišang, le swanetše go kwešiša. Mogwera, Bjo ke Bophelo bja gago. O a bona? Bjo ke Bophelo bja gago. Ee.

⁸⁰ Ditshwanelo tša gagwe ke gore Modimo o hlatseditše motho yo go ba mmoni.

⁸¹ Bjale lentšu la Seisemanе, *mopropfeta*, le no ra "moreri." Le a bona? E ka ba mang, moreri yo mongwe le yo mongwe ke mopropfeta, gobane o bolelalapele se sengwe. Go rera Lentšu, ka tlase ga tšušumetšo, go bitšwa "mopropfeta."

⁸² Eupša ka go Testamente ya Kgale, ba be ba le go feta seo, ba be ba le baboni. Le a bona? Ba be ba le monna yo a boletšego dilo tšeо di bego di phethega, gomme di diregile. Seo se mo fa maloka go ba mo—mo mohlatholli wa Lentšu bakeng sa letšatši leo, gobane Modimo o tšere Lentšu la letšatši lela le go Le hlatholla, Yenamong, ka monna yola. Gomme seo ke se a se tletšego lefaseng, ka mehla ke yena leswao, ge mopropfeta a etla lefaseng. Nno šetšang ge re eya go e kgabola, gomme le bone ge e se bjalo. Ka mehla O romela mopropfeta wa Gagwe. Ge o bona mopropfeta o tsoga tiragalang, [Ngwanešu Branham o thwantšha monwana wa gagwe—Mor.] ntšha mahlo dinameng. Re lebeletše go yo mongwe go tla bjale, le a tseba. Gomme nako yeo ge le e bona, le no elelwа ke se sengwe se itokišetša go direga. Ye ke ditshwanelo tša gagwe, morago Modimo o hlatholla Lentšu la Gagwe ka yena le ka yena. Numeri 12:6 e bolela seo.

⁸³ Gomme, elelwang, Beibele ka moka e ngwadilwe ke baprofeta. Gobaneng? Lentšu la Morena le tlide go bona ka morago ga ge ba hlatseditšwe. Baprofeta boka Jasere, le ba bangwe ba bona bao ba lahletšwego ntle, le baprofeta ba bantsi bao ba sa nkago ba ya pele; eupša Modimo o ne tsela ya go hudua Lentšu la Gagwe, ge e le Therešo. Modimo o swanetše go ahlola lefase ka se sengwe.

⁸⁴ Batho ba Katoliki fa, ba re, “O ya go mo ahlola, ahlola lefase, ka kereke.” Ge seo e le nnete, gona kereke efe? Ge o ka re, “Kereke ya Katoliki.” Efe, ya Roma, ya Gerike, goba eng? Le a bona, tšohle di šwalalane diripana.

⁸⁵ “O ya go le ahlola ka kereke ya Baptist.” Gona go reng ka kereke ya Methodist? Le a bona? Le a bona, A ka se kgone go dira seo, go ne tlhakatlhakano ye ntši kudu. Batho ba ka se tsebe moo ba lego.

⁸⁶ Eupša O rile, ka Beibeleng, ge le nyaka go tseba se A yago go ahlola ba—ba batho ka sona. O ya go ahlola lefase ka Jesu Kriste, gomme Yena ke Lentšu. Beibele, gona, ke se A yago go ahlola ka sona, Lentšu le le hlatseditšwego. Yeo ke tsela ya Modimo ya go ahlola, ke Beibele. Kafao ga go kgathalege se thutotumelo e ka ba efe goba kerekeleina e se bolelagoo, le dula thwi ka go Beibele yela, gobane Ke Kriste. Mokgethwa Johane, tema ya 1, e re botša seo.

⁸⁷ Hlokamelang bjale, Beibele e ngwadilwe ke baprofeta. Re bona gore E bolela seo, “Monna wa kgale, a šušumeditšwe ke Moya wo Mokgethwa, o ngwadile Beibele.” Ka go Bahebere 1, E re, “Modimo, dinakong tša kgale ka mekgwa ye mentši o boletše le botate ka baporofeta, mo letšatšing la mafelelo ka Morwa wa Gagwe, Jesu Kriste.” Le a bona? Gobane O be a le ponagatšo ya Lentšu lohle la moprofeta, gomme O be a le bottalo bja Lentšu. Lentšu le be le le ka go Yena, Lentšu lohle. O be a le *Imanuele*, “Modimo a bonagaditswe nameng.”

⁸⁸ Modimo o theogetše fase ka sebopego sa Moya wo Mokgethwa, diphego tše pedi boka leeba le dula fase gomme le ile godimo ga Gagwe, le re, “Yo ke Morwa moratwa wa Ka yo Ke kgahlwago ke go dula ka go yena.” Bjale King James fale e re, “Ka go yo Ke kgahlwago ke go dula.” Ke phapano efe e e dirago, “Ka go yo Ke kgahlwago ke go dula,” goba, “Yo Ke kgahlwago ke go dula ka go yena”? Le a bona? “Ka go Yo Ke kgahlwago ke go dula.” Yona šele, Modimo ka mothong, lefase le legodimo di tla mmogo. Modimo le motho ba kopane. Iri ye kgolokgolo, go fihla nako yela, go bile mo lefaseng, goba go kile gwa ke gwa ba.

⁸⁹ Hlokamelang, leswao Pilara ya Mollo, gomme morago Segalontšu sa leswao se boletše. Le a bona? Leswao Pilara, la Segalontšu, le be le le fale komana go bolela. Leswao le bontšha

feela gore Segalontšu se komana go bolela. Le hwetša kgopolو? [Phuthego e re, "Amene."—Mor.]

⁹⁰ Leswao le bontšha Segalontšu sa Modimo se komana go bolela, gomme ge Modimo a bontšha leswao bjalo ka ge A le mo matšatšing a mafelelo. Ga o . . .

⁹¹ O lebelela gohle. Lebelela go—lebelela go boitshwarohlepi bja batho lehono. Leo ke leswao la Modimo. Ge o bona batho ba eba ka mokgwa wo, lebelela se ba yago go sona. O rile, "Ba tla ba gampepmpe le gampepmpe." Bona, ba a e dira, le a bona, leswao lela—lela la boitshwarohlepi. Go lokile.

⁹² Gomme go ne mehuta yohle ya maswao. Maswao magodimong godimo, diponagalo tša go boifiša, dipiring tša go fofa; Pentagon e a di lebelela, ga e tsebe se di lego. Mehuta yohle ya maswao: lewatle le rora, maphoto, go gakanega ga nako, ditlalelo magareng ga ditšhaba, dilo tše tšohle tše, ditšhišinyego tša lefase mafelong a go fapana, motho a kitimela pele le morago, tsebo e ata, dilo tše tšohle tše dingwe tše tše A di boletšego, dikgaruru tše kgolo. Ka fao Kriste a tlagoo beelwa ka ntle ga kereka ya Gagwe mo matšatšing a mafelelo, ka go Lebaka la Laodikia, re e hweditše. Le a bona? Dilo tše tšohle tše ke maswao a go bolela ka Modimo.

⁹³ Gomme gona ke go dira eng se go tsebjä? Modimo o romela yo mongwe go lefelotiragalo, se sengwe mo go lefelotiragalo go hlatsela seo, le go tšea Lengwalo leo go boletšwego ka lona lebakeng la letšatši le go le bonagatša, gona tše ke ditshwanelo tša lona. Leo, le a bona, leo ke leswao.

⁹⁴ Pilara ya Mollo, ka pela ge le—le leswao le nyarela fale, e be e le le—leo e be e le leswao gore Segalontšu se be se le komana go bolela.

⁹⁵ Gomme re bona leswao la bofelo. A yeo ke nnete? [Phuthego e re, "Amene."—Mor.] Leswao la bofelo! Ke ba bakae ba dumelago leo, ereng amene. ["Amene."] Gona, Segalontšu se komana go bolela! Segalontšu se komana go bolela gobane re bona leswao. Pilara ya Mollo e be e le fale go bolela gore Segalontšu se komana go bolela.

⁹⁶ Gape, e swanetše go ba leswao la Lengwalo, swanetše go ba tlhatsetšo ya Lentšu le le tshepišitšwego bakeng sa letšatši leo. Lenaneo la Modimo le phethagetše bjang nako le nako!

⁹⁷ Bjale theetšang, a re yeng morago feela nakwana fa, kgopolو ye nnyane. Ka Testamenteng ya Kgale, pele Beibele e ngwalwa, go bile feela le diskrole le go ya pele, e be e se ya bewa mmogo, boka mongwalo wa Puku ya Jesaya, mongwalo wa Puku ya *Semangmang*, baprofeta. Bjale ge motho a etla le se sengwe, gore o be a lorile toro, goba o be a le mopropfeta, selo sa pele, ba mo išitše tlase tempeleng, go Urim Thummim ya bona.

⁹⁸ Badiredi fa, le ba bantši ba lena baena ntle fao, le tseba se Urim Thummim e bego e le. E be e le—e be e le sephemafega sa Arone. Ba se kgwageditše godimo ga kota ka tempeleng. Gomme bjale hlokamelang, ge monna yola a thoma go bolela, gomme, ge e ka ba eng a e boletšego, ge eba e be e se therešo, Seetša sela se eme tse; e be e se selo. Eupša se a se boletšego, ge eba e be e le therešo, gona mokgobokano wa Dietša, boka molalatladi, o thoma go kganya. Gomme yeo e be e bitšwa Urim Thummim. Banešu ba tseba seo. [Baena ba re, “Amene.”—Mor.] Kgonthe. Kgonthe, yeo e be e le Urim Thummim.

⁹⁹ E be e le eng? Leswao, ga go kgathalege ka fao e kwagetšego, leswao le swanetše le fiwe ka Segalontšu. Amene. Le a bona, leswao le a tla gomme morago Segalontšu. Go swanetše go be seo, goba segalontšu ga se lemogwe. Yeo ke nnete. Ga go kgathale se segalontšu se se boletšego, se kwagala kgonthe gakaakang, ge Urim Thummim yela e sa e kwalakwatša, gona e be e se nnete.

¹⁰⁰ Gomme mohuta e ka ba ofe wa leswao woo o bontšhwago lehono . . . Ke a tseba Modimo a ka dira dilo tše di sa ngwalwago ka Beibeling, eupša, go nna, re phela mo iring yeo re swanetšego go phafoga kudu. Urim Thummim lehono ke Beibele ya Modimo. Yeo e bontšha ke eng e swanetšego go direga lehono.

¹⁰¹ Ge ba nagana, “Re swanetše go aga mokgatlo wo mogolwanyana, re swanetše go ya ka go Khansele ya Mohlakanelwa, leo ke leswao la kopano.” Go nna, ke leswao la molwalekriste. Seo ke tlwa se Beibele e boletšego ka sona. Kgonthe. Ga se leswao la Lengwalo; feela, ka lehlakoreng le lengwe, anke modumedi a tsebe le bile tseleng efe. Urim Thummim ke Lentšu la Modimo; gomme se A se boletšego se tla direga mo matšatsing a mafelelo, seo ke tlwa se se swanetšego go kganya. Gomme ke leswao la phošo.

¹⁰² Monna o re, “Gabotse, ke ne Ph.D., LL.D., ke dirilwe *semangmang*. Ke nna Ngaka *Semangmang*.” Leo ga se leswao la Beibele. “Ke tseba ka ga Lona. Gabotse, ke nna hlogo ya *Semangmang*. Ke nna monna wa selete. Ke nna—ke nna pišopo. Ke nna . . .” Ga ke kgathale se o lego.

¹⁰³ Go ne leswao le nnoši re le lebeletšego, gomme leo ke Lentšu la Modimo le hlatseditšwego, ge le le O RIALO MORENA. Seo ke Segalontšu sa leswao, Lentšu la Modimo pele. Ge Urim Thummim e boletše, ba rile, “Yeo ke nnete.” Ge tšona Dietša di kgantše, leswao le be le le fale, Segalontšu e be e le therešo. Hlokamelang ka fao—ka fao batho ba dirilego seo go hloka maatla lehono, ka metlwae ya bona!

¹⁰⁴ Jesu Kriste o rile, ka go thomo ya Gagwe ya mafelelo go kereke ya Gagwe, ka go Mareka 16, ka morago ga tsogo ya Gagwe; O rile, “Eyang lena ka go lefase lohle, gomme le rere Ebangedi go sebopiwa se sengwe le se sengwe. Yoo a dumelago gomme a kolobetšwa o tla phološwa; yoo a sa dumelelo o tla

ahlolwa. Maswao a a tla latela bona ba ba dumelago.” Ge leo le sa kganye go Urim Thummim ya bophelo bja gago, go ne se sengwe sa phošo. “Maswao a a tla latela bona bao ba dumelago: Leineng la Ka ba tla lelekela bodiabolo ntle; ba bolela ka maleme a maswa; ge ba ka swara dinoga, goba ba nwa tše di bolayago, di ka se ba gobatše; ge ba bea diatla tša bona godimo ga balwetši, ba tla welwa ke maruru.” Gomme motho ka thuto ya botswererere, go khutlo ya godimodimo, o latola Selo seo; e ka kganya bjang go Urim Thummim ya Modimo, ge A rile, “Maswao a a tla latela bona bao ba dumelago”? Lentšu la Modimo, ka bottlalong bja Lona, ke therešo.

¹⁰⁵ Kafao Urim Thummim e swanetše go kganya ka leswao. Ge leswao le eya... Ga ke kgathale se a se dirago, ge e se go ya ka, go dira go ya ka Lentšu lela, morago go ne se sengwe sa phošo. Ga ke kgathale se a se dirago, go ne se sengwe sa phošo. Go swanetše go tla go Therešo. A Jesu ga se a re botša, ka go Mateo 24:24, “Meboya ye mebedi e tla batamelala kudu mo matšatsing a mafelelo, go tla fora le bona bakgethiwa ge go kgonega”?

¹⁰⁶ Bjale rwalang dikefa tša lena tša go nagana, rwalang tlhamo ya lena ya Modimo. Theetšang feela motsotso. Hlokomelang, re swanetše go tla ka tsela ye A rilego e direng. Feelia ka tsela ye Modimo a rilego e direng, ke tsela yeo re swanetšego go e dira. Se Jesu a rilego se ya go direga, ke seo se yago go direga. Ge A rile, “Maswao a...”

Ba re, “Yeo e be e no ba feela go baapostola.”

¹⁰⁷ “Lefase lohle, le go sebopiwa se sengwe le se sengwe!” A yeo ke nnete? [Phuthego e re, “Amene.”—Mor.] Ke kae A rilego, “feela go baapostola”? “Eyang lena ka lefaseng lohle, gomme le rere Ebangedi go sebopiwa se sengwe le se sengwe. Maswao a a tla latela, ka lefaseng lohle, le go sebopiwa se sengwe le se sengwe.”

¹⁰⁸ Monna a re, “morago *fale*,” o leka go kgabola Selo. Yoo ga se moprefeta. Ke moprefeta wa kerekela, eupša e sego moprefeta wa go rongwa go tšwa go Modimo. A ka no be a bonagatša kerekela tsoko, goba teori tsoko, sekolo tsoko, maitshwaro tsoko.

¹⁰⁹ Eupša ke bolela ka ga Modimo le Lentšu la Gagwe, Urim Thummim ya Lengwalo, leswao la Lengwalo, Segalontšu sa Lengwalo ka morago ga leswao.

¹¹⁰ Jona, moprefeta, o be a le leswao. Leswao la gagwe e bile ge a e tshwa, hlapikgolo e mo tshwela ntle mo lešing, leo e be e le leswao. Bona batho e be e le bahetene, ba iphediša ka go thea dihlapi. Gomme ba bone modimo hlapikgolo a etla, modimo yo wa lewatle, gomme a tšeа moprefeta le go mo tshwela ntle godimo ga leši, go fa molaetša, gomme o ile go theoga leši. Go be go ne leswao. Bjale Segalontšu e be e le, “Sokologang goba le senyege!” Pele Modimo a ratha setšhaba sela, go se kgeiganya diripana le go se nweletša ka tlase ga lewatle, O

rometše moprofeta ka Lentšu la Gagwe. O file leswao, leswao la kagodimogatlhago.

¹¹¹ Elelwang, leswao lela ebile le sa šoma go fihla letšatšing le. Jesu o boletša ka lona. O rile, “Bjalo ka ge moprofeta Jona a bile mpeng ya hlapikgolo, lebaka la matšatši le mašego a mararo, Morwa wa motho o tla ba bjalo. Moloko wo mobe le diotswa o nyaka maswao. Gomme ba tla le hwetša, leswao la tsogo.” Ge eba re kile ra ke ra ba ka go moloko wo mobe le diotswa, ke bjale, woo Jesu a rilego go tla ba. “Bjalo ka ge go bile ka matšatšing a Sodoma, go tla ba bjalo ka go tleng ga Morwa wa motho.” Gona, re ka go moloko wo mobe le diotswa, gomme ba ya go hwetša leswao la Kriste yo a tsogilego, wa go swana maabane, lehono le go ya go ile. Jesu o boletše bjalo. Yeo ke nnete.

¹¹² Jona o tla pele, o be a le moprofeta. Morena o mo romile. O lekile go e kgabola, boka Moshe.

¹¹³ O ka se kgabole taba. Monna ba bantši ba nyaka go go phaphatha ka morago, le go re, “Esla ka sehlopheng sa rena. Esla ka sehlopheng sa rena.” Ga go ne sehlopha. Modimo ke yena a nnoši o lego ka tlase ga gagwe. Le a bona? “Esla go rena.”

¹¹⁴ O kgabotše le go ya, a thomišetša Tharašiši. Modimo o mo loketše ka gare ga hlapikgolo, a mo romela morago thwi. Gomme o ile ka fale, gomme leo e be e le leswao. Gomme Segalontšu sa leswao, e bile “Sokologang goba le senyege!” Ba latetše Segalontšu gobane ba dumetše leswao, gomme ga se ba senyega. Gomme yeo ke tsela e nnoši e bilego, gobane ba dumetše leswao gomme ba kwele Segalontšu.

¹¹⁵ Yeo ke tsela e nnoši yeo maloko a dikereke tša letšatši le ba tla šitwago go tsena ka Kahlolong, ke ge ba dumela leswao gomme ba ekwa Segalontšu sa Modimo.

Segalontšu e bile, “Sokologang goba le senyege!”

¹¹⁶ Noage, moprofeta, pele Modimo a senya lefase la pele ga meetsefula, Noage o be a le moprofeta. Moprofeta o be a le leswao. Eng? Gore kahlolo e be e batametše. Noage a aga leswao la gagwe go bona, areka yeo a bego a e hlama; a rera Ebangedi, Segalontšu sa Modimo se boletše tlase, gomme lefase la senywa.

¹¹⁷ Johane, moprofeta, ka morago ga mengwaga ye makgolo nne go se moprofeta, ye teleletelele ya nako yeo Israele e kilego ya ya ntle le moprofeta. Modimo o be a dira eng? Gobaneng a mo dirile a ye mengwaga ye makgolonne? O nyakile moprofeta go itlhaola kudu—kudu go batho, gore ba tle ba kwešiše le go el a hloko go se monna a se boletše. O be a profetetše go tleng. Ba rile, ka go Maleaki 3, “Bonang, Ke roma motseta wa Ka pele ga sefahlego sa Ka, go lokiša tsela.” Gomme ba be ba sa nka ba ba le moprofeta lebaka la mengwaga ye makgolonne, gomme moprofeta šo o a tla, Johane, mo go lefelotiragalo. Go bonagala ga gagwe e be e le leswao, leswao (eng) gore go tla ga Mesia go be go batametše. O be a goga šedi go Israele.

¹¹⁸ Le a tseba, go tshepišitše go tla gape mo letšatsing la mafelelo, yeo ke nnete, go botha batho gape le go goga šedi ya bona, dipelo tša bona, morago go botate, mathomong. Tšeang tšohle tše fa dithutotumelo le dilo, gomme le di lahle, gomme le ye morago go se Beibele e se boletšego, “morago go Tumelo ya botate.” Go hlatsela, Modimo o tshepišitše go dira.

¹¹⁹ Hlokamelang bjale, go bonagaleng ga gagwe e be e le leswao gore Mesia o be a batametše, mengwaga ye makgolonne. Gomme a ba mo amogetše? Ga se ba mo dumela. Ka kgonthe, ga se ba ke. Ga se ba be le selo go dira le seo, gobane theroy gagwe e be e le kgahlanong. Ga se ba dumela se a bego a se bolela. Efela, o be a le leswao, gobane batho ba tsebile o be a le moprofeta. Ba tsebile se sengwe se be se lokela go direga. Le a bona?

¹²⁰ Nako ye nngwe le ye nngwe, pele go direga. Bjale re tshetše matlakala a mabedi goba a mararo fa, metsots e se mekae ya go feta, ya baprofeta. Feelga go le bontšha, gore le kwešiše. Pele e ka ba eng e direga, Modimo o tla ka moprofeta, go hlatsela Lentšu la Gagwe. Gomme go tleng gola ga moprofeta ke leswao.

¹²¹ Bjale, Johane o be a le leswao, gobane o be a le moprofeta, gore Mesia o be a batametše. Bjale re hwetša Johane, leswao la—la... la go tleng ga Jesu. Re tseba gore ge Modimo a bolela gomme a bolela dilo tše, go swanetše go direga. Le dumela seo? [Phuthego e re, “Amene.”—Mor.] Bjale, leswao la tokisetšo, Johane o be a le. O be a tla ba leswao la tokisetšo. A le dumela gore o be a le leswao la tokisetšo? [“Amene.”] Gabotse, gona, ge a etla gona, ka leswao la tokisetšo, o tla gape ka leswao la tokisetšo.

¹²² Hlokamelang, molaetša wa gagwe o be o le, le tlhago ya gagwe e bilego, tlwa boka se moyo wo a tloditswego ka wona. O be a le boka Eliya. Jesu o boletše. “Gobaneng bamangwalo ba re Eliase o swanetše go tla pele?”

¹²³ O rile, “O šetše a tlie, gomme le mo dirile se se boletšwego.” Le a bona? “Go bjalo Morwa motho o swanetše go tlaišwa ka tlase ga diatla tša bona, gobane Lengwalo lohle le swanetše go phethagatšwa.”

¹²⁴ Šetšang Johane, lebelelang se Johane a se dirilego. Johane o be a le monna wa go itlhaola, o tšwelela go se tšwe felo; Eliya o be a le bjalo. Bobedi bja bona ba be ba le barati ba lešoka. Gomme, elelwang, bobedi bja bona ba kgesitše basadi ba go penta difahlego, basadi ba baitshwarahlepi. Gomme ditlhago tša bona di be di swana; tlwa boka Eliya, Johane o bile bjalo. Gomme bobedi ba mohuta wa go tšea tsela ya go swana yo mongwe a e tšerego, ka bona seng.

¹²⁵ Eupša Johane e bile yena yo a kwalakwaditše go tsebiša Mesia. Hlokamelang, o tsebišitše Mesia. A kgala basadi ba baitshwarahlepi!

¹²⁶ Lebelelang lehono, ba re ba bitšago baprofeta ba dikereke lehono, gomme morago ba ipitša bonabeng “ba Modimo”? Ba

bangwe ba bo Ahaba ba ba sebjalebjale ka sefahlego sa bona se sennyane se pentilwe, moriri mokopana, Isebele wa go apara šothi a ba hlahlela gohle e ka ba kae ba nyakago go ya, morago ba ipitša dingaka bonabeng, le go ya pele, “tša Beibele”? E kgonega go ba bjang? Ke boAhaba, ee, thuto ya dithutotumelo tša bona, ba boifa go e fologa, ba boifa ba tla ntšhetšwa ntle ga kerekeleina ya bona, goba se sengwe.

¹²⁷ Anke ke le botše, ke yona nako yeo ge Modimo ka mehla a tsoa se sengwe mo go lefelotiragalo, go se ahlola. O e dirile ka matšatšing a Ahaba. O e dirile ka matšatšing a Johane. O tshepišitše go e dira gape mo matšatšing a mafelelo, gomme O tla e dira! Ke nako e bjalo yeo re tshepišitšwego ya se, mo nakong yeo ge re eya go bona Maleaki 4 e phethagaditšwe, tlwa se A se boletšego; leswao la go tleng ga kahlolo, mollo o tukago woo o tla senyago gosedumele gohle, gomme baloki ba tla sepela godimo ga melora ya bakgopo. Go tshepišitšwe. Go profetilwe. Ke O RIALO MORENA. Go swanetše go ba. Segalontšu sa gagwe se ya go dira eng, ge monna yo a etla go lefelotiragalo? Se ya go utolleng Lentšu le le tshepišitšwego la Jesu Kriste. Ke tlwa selo se nnoši se ka bago, gobane Beibele e rile, ka go Bahebere 13:8, “O a swana maabane, lehono, le go ya go ile.” Nnete.

¹²⁸ Gape O rile, ka go Luka 17:30, “Boka go bile matšatšing a Sodoma, go tla ba bjalo ka go tleng ga Morwa wa motho, ge Morwa wa motho a tla utollwa.” Morwa wa motho o profetilwe go utollwa. Gomme ke mohuta ofe wa kutollo e tla bago? E tla ba kutollo ya go phela ga Gagwe, ka morago ga go bapolweng lebaka la mengwaga ye lekgolo lesomesenyane, gomme o tsogile go tšwa bahung gomme o phela le ren. O tla utollwa! Gobane, dilo tša go swana tlwa ba di dirilego ka Sodoma, di swanetše go bowa gape. Le ka e hlatholla ka tsela e ka ba efe le ratago, eupša yona šele. E no ba dintlha, e a itlhatholla yonamong. Lentšu ga le hloke tlhathollo e ka ba efe ge Le e dira Lonamong. Go utolleng Kriste ka go tshepišo ya lebaka, seo ke tlwa se se tla tlago go lefelotiragalo.

¹²⁹ Paulo, o bile le leswao. A re mo šetšeng. A le a dumela Paulo o be a le moprofeta? Ka kgontho o be a le. Bjale hlokamelang. Paulo o tlie lefelongtiragalo, gomme o bone leswao. Ke mohuta ofe wa leswao a o bonego? Pilara ya Mollo, mo tseleng ya gagwe go ya Damaseko, a le Mojuda. Jesu o be a hwile, a bapotšwe, a tsogile, a rotogetše ka Legodimong, gomme Paulo o be a le tseleng ya gagwe tlase go ya Damaseko ge Seetša se segolo se mo rathetsé fase. Gomme o gooleditše, “Morena, Wena o Mang?”

¹³⁰ O rile, “Ke nna Jesu.” Gomme o boditšwe gore o bileditšwe go ba sebjana se se kgethilwego, sebjana se se kgethilwego.

¹³¹ Bjale hlokamelang, Paulo o bile le eng, ka moka ga bona ga se ba ba? O bile le bontši bja kutollo ya Lentšu la Modimo, gobane e bile Paulo yo a lemogilego gore Jesu wa Testamente ye Mpsha e be

e le Jehofa wa ya Kgale. Haleluya! Nka bolela se sengwe fa. O bile le kutollo ya Lona. O Le ngwadile le go Le utolla, gobane Modimo o Le dumelatše go oketšwa go Beibebe. Gomme Lentšu le tla feela ka Beibebe, ka moprofeta. Gomme kafao gona Modimo o utollotše go Paulo, gomme o ngwadile mangwalo, a šušumeditšwe, gomme Modimo a a bea ka Beibeleng. Oo, nna! O utollotše gore O be a le Kriste wa Testamente ya Kgale, gobane o kopane le Yena.

¹³² Ga se a kgone go kwešiša ka fao Pilara yela ya Mollo e bego e le. Yeo ke Yona e eteletšegopele batho ba gagwe go tšwa ka Egepeta. Yeo e bile Yona e biledgo le Bahebere go kgabola mabaka ohle. Gomme, šo Yena, o Mmone. O rile, “Morena, ke eng O e nyakago le nna?”

O rile, “Ke nna Jesu.”

¹³³ O bone gore yena Yo yoo a etetšegopele batho ba gagwe, yoo a mo tsebilego nakong yohle, yoo Moshe a kopanego le yena, yena “KE NNA,” ka mehla go ba gona, wa go swana maabane, lehono, le go ya go ile, o be a bonagetše nameng. E be e le kutollo ya gagwe. O bile le Yona go fetiša e ka ba mang wa ka moka ga bona. O be a le . . . gomme o bile le Yona gagolo kudu go fihlela . . . ntle le ge a ka godišwa go fetiša boati bja kutollo yeo a e filwego. Oo, nna!

¹³⁴ O dirile eng? Kutollo ya gagwe nako yela e bile seprofeto bakeng sa lehono. E be e le Segalontšu se etla pele, se ngwadilwe ka Beibeleng, go hlatselwa gape lehono. Haleluya! Ke Segalontšu se hlatseditšwe gape, se A se ngwadilego, gobane o be a le moprofeta wa Modimo, a utolla. Leswao le be le bolela se sengwe.

¹³⁵ Gomme re lemoga bjale gore, Jesu, ge a etla go lefelotiragalo, hlokamelang, O be a le Lentšu le le profetilwego. O bile le bodiredi go bo phethagatša. A le dumela seo? [Phuthego e re, “Amene.”—Mor.] Kgonthe, O bile le bodiredi, hlokamelang, go phethagatšwa, se se bego se ngwadilwe ka Yena. Ke boletše seo, bošegong bjo bongwe ge ke boletše, go Kleopa le bona, “O mašilo, le go nokologa ga pelo go dumela Lentšu la Modimo. A ga le tsebe gore Kriste o swanetše go tlaišega dilo tše? A baprofeta ga se ba bolela gore O swanetše go dira se, gomme morago a tsene ka letagong la Gagwe?” O swanetše go phethagatša se sengwe le se sengwe ge A etla. O tla go fodiša, gore go phethagatšwe. O dirile se, gore se phethagatšwe. Se sengwe le se sengwe A se dirilego e be e le go phethagatša, gobane O be a swanetše go ba Segalontšu sa Lengwalo leo. Eupša pele A dirile seo, O ile pele ka bodiredi bja phodišo, a fodiša balwetsi. Yo mongwe le yo mongwe o nyakile go bona leswao. Kgonthe, ba dumetše phodišo, eupša Segalontšu se e fetotše.

Letšatši le lengwe, ge A rile, “Nna le Tate re batee.”

¹³⁶ Yeo, yeo e bile bontši kudu go bona. “O itira Modimo Wenamong, o le motho.” Ge le—le leswao, ba le dumetše, eupša

ge ba kwele Segalontšu ka morago ga lona, bodiredi bjoo bo latetšego leswao lela, ga se ba bo kwešiša. Ke ge bothata bo tsena.

¹³⁷ Elelwang, O kgethile ba lesomepedi. O rile, O “ba kgethile pele ga motheo wa lefase.” O rile, “Ke kgethile ba lesomepedi, gomme o tee wa bona ke diabolo.” Paulo o ile a swanela go tsea sekgoba seo, go ba yo a kgethilewego.

¹³⁸ Gomme hlokamelang, gomme ge A dirile, letšatši le lengwe O thoma go bolela le batho, gomme O rile, “Ntle le ge le eja nama ya Morwa motho, le go nwa Madi a gagwe, ga go ne Bophelo.” Dingaka di tla reng ka seo? Bjale, ga se nke A se hlatholla. Ga se nke A bolela e ka ba . . .

¹³⁹ O nno tlela ba bantši bjalo. Bona bao A ba tsebilegopele, O a tla. Yena, O rile, “Ga go motho a tla go Nna ntle le ge Tate wa Ka a mo goga. Gomme bohole Tate a Mphilego, ba tla Se kwešiša, ba tla tla. Le a bona? Le a bona, ba tla tla. Ba tla Se kwešiša, bona ba Tate a Mphilego, ba maina a bona a lego Pukung ya Bophelo.” O tla go lopolla bona.

¹⁴⁰ Bjale re lemoga gore, ka go iri yela—yela ye kgolo, O rile, “Ntle le ge le eja nama ya Morwa wa motho, la nwa Madi a Gagwe.”

¹⁴¹ A le ka eleletša se batho ba se nagannego? “A Monna yola o hlakane bjaša bja Gagwe? A O nyaka bohole re fetoge makgema? Gomme bjale mohlomongwe O tla ya ntle felotsoko gomme a ipolaya Yenamong, gomme re swanetše go ja nama ya Gagwe le go nwa Madi a Gagwe?” Le a bona, ga se nke ba ke ba e kwešiša.

¹⁴² O boditše Nikodemo, o rile, “Ge Ke go botša dilo tša lefaseng, gomme ga o e kwešiše, o ya go kwešiša bjang dilo tša Legodimong, ge Ke go botša.” Le a bona? Kafao, re hwetša ga se ba e kwešiša. Kafao, phuthego e sesefetše.

¹⁴³ Kafao gona O rile, gape, “Ge le bona Morwa wa motho a rotogela go tšwa moo A tlilego.”

¹⁴⁴ Ka gona badiredi ba masomešupa, mokgobokano ka moka, o rile, “Bothata ke eng ka Monna yo? Morwa wa motho a rotogela godimo? Gomme šefa re ja le Yena, re robala le Yena, re thea dihlapi le Yena, ntle ka dithhabeng le Yena, re letše ntle maganateng le Yena, go dikologa makoriba a nokana le Yena, gomme morago le go ya godimo; go bona legopo A fepetšwego ka go lona, re boletše le mme wa Gagwe, re tsebile Josefa, o be a swanetše go ba tate wa Gagwe. Re tseba dilo tšohle tše. Gomme morago O rile, ‘Morwa wa motho o ya go rotogela godimo moo A tšwago.’ Oo, seo se kgonega bjang?” Le a bona? Eupša O be a le Lentšu. Ba šitilwe go bona gore O be a le Lentšu.

¹⁴⁵ Bjalo ka ge ke tsopotše letšatši le lengwe, le lengwe la Mangwalo a go ikgetha kudu, gore ge Jesu, bogolong bja mengwaga ye lesomepedi, ge ba Mo tlogetše Moletlong wa

Pentecost, ba be ba ile matšatši a mararo gomme ba se kgone go Mo hwetša. Ba tla morago. Maria o be ka maatla a pakile gore, gore “Moya wo Mokgethwa o ukametše” yena gomme o tlišitše Ngwana yola. Eupša ge a Mo hweditše ka tempeleng, a ngangišana le bona boramolao, o rileng? O rile, “Tate wa Gago le nna re Go nyakile ka megokgo.” O dirileng? O sentše bopaki bja gagwe mong, a bitša Josefa tate wa Gagwe. Bjale, ge eba a le mme wa Modimo, go reng ka seo? Le a bona?

¹⁴⁶ Šetšang, Lentšu ka mehla le a phošolla. Mošemane yola yo monnyane wa bogolo bja mengwaga ye lesomepedi, ga sa nke letšatši ka sekolong, bjalo ka ge re tseba, feela Ngwana. Ga sa nke a tseba O e boletše, mohlomongwe, eupša šetšang se A se boletšego, “A ga o tsebe gore Ke swanetše go ba tabeng ya Tate wa Ka?” [Ga go selo go theipi—Mor.]

¹⁴⁷ Gomme ke Yena Lentšu lehono! O a swana maabane, lehono, le go ya go ile. “A ga le tsebe?” Ge nkabe A bile tabeng tša Josefa, nkabe A be a bile kgwebong ya go betla. Eupša O be a le ka ya Tate, kgwebo ya Tate wa Legodimong. O be a le ntłe fale a dubaganya yona mekgatlo ya bona ba bilego le yona fale, le tšohle di hlakahlakanego. O be a di kgeilanya ka diripa. Gomme ba be ba maketše, Mošemane yo monnyane boka yola, yoo a tsebilego sela. E be e le Modimo a bolela ka Yena, gobane O be a le Lentšu bakeng sa letšatši leo. Hlokomelang ka fao go phethagetšego ka gona. Kriste o a swana maabane, lehono, le go ya go ile.

¹⁴⁸ Kutollo ya Gagwe, re hwetša, e a swana. O—O thomile phodišo, gomme, ge A dirile, se sengwe le se sengwe se be se lokile. Eupša ka gona ge A thoma go, ke Segalontšu, thoma go bolela, “Ntle le ge le eja nama ya Morwa wa motho.”

¹⁴⁹ Gabotse, bona, phuthego, ba ngadile. “Oo, moisa yola, ga re sa nyaka go Mo kwa gape. Moisa yola o hlakane bjaša bja Gagwe.”

¹⁵⁰ Ba lebetše tšohle A di dirilego, ponagalo. Ga se ba bala Beibe, go bona iri ba bego ba phela go yona. Kgonthé, O be a le Motho walearogi. Modimo o e dira ka tsela yeo. Ba bolela dilo tša go aroga.

¹⁵¹ Gobane a sa kgona—gobaneng Mika a sa kgona go dumelana le bona baprofeta ba Israele tlase fale, pele ga Josafate le bona? Le a bona? Gobaneng a sa kgona? O be a ne Lentšu la Morena, a bego a swanetše go le bolela. O rile, “Ke tla bolela feela se Modimo a se boletšego.” Gomme ba bile le maatlataolo a Lengwalo go bontšha gore ba be ba le nnete, eupša e sego Lengwalo lohle. Jesu o rile, “Gape go ngwadilwe.” Le a bona? Ga se ba kwešiša.

¹⁵² Bjale šetšang ge re tswalela bjale. Re ba—re ba thari. Ee, ke maswabi ke ile botelele kudu, gomme ke tla itlhaganelo thwi

ka pela bjale bakeng sa mothalo wa thapelo. Feela mantšu a se makae gape ke nyakago go a bolela fa.

¹⁵³ Hlokamelang, moprofeta o a tla, gomme ge a dira, go bontšha leswao, gomme gona go ne Segalontšu ka go leswao lela, seo se bolelago, Segalontšu seo se bolelago, Segalontšu sa Lengwalo seo se swanetšego go ba go ya ka Beibele, se bonagatša Lentšu bakeng sa iri yeo. Go bile ka tsela yeo ka mehla, ka mehla go tla ba ka tsela yeo, gobane Modimo ga a kgone go fetoga.

¹⁵⁴ Bjale hlokamelang bodiredi bja mathomo bja Jesu, oo, bona bohole, yo mongwe le yo mongwe, o Mo nyakile ka kerekeng ya bona, “Oo, nna, Ke Moisa yo mogolo!” Kgonthe, O tsene ka go disenagoge tšohle, o badile diskrole gomme o dutše fase. Yo mongwe le yo mongwe, “Rabi yo mofsa!”

¹⁵⁵ Eupša letšatši le lengwe O thomile go bolela le bona ka tsela ye nngwe, Segalontšu sa leswao sa thoma go bolela. Gomme ge Segalontšu sa leswao se thoma go bolela, ga a gona a Mo nyakilego. Yo mongwe wa bona o rile, “Monna yo o a hlanya. Ke lekgema, a leka go re dira makgema bohole ba rena.” Le a bona? Yena ga se nke a e hlaloša. Anke ba sepele.

¹⁵⁶ Wa go latela o a tla, re hwetša gore ba masomešupa, mokgobokano wa badiredi A bilego le Yena, ge ba etla, “Gabotse, go kgonega bjang Monna yo a rotogele godimo? Bjang? Ke Yena Mang? Gobaneng, šo O itira go lekana le Modimo Yenamong. Yeo ke polelo ye thata.” Gomme ba ngadile go tloga go Yena.

¹⁵⁷ Morago o retologetše go barutiwa, gomme O rile, “Le nyaka go sepela, le lena?” Le a bona? Ba be ba sa kgone go sepela. Ba be ba bone se sengwe. Ba tsebile Lengwalo gomme ba tsebile leo e be e le lona. Ba be ba sa kgone go hlaloša se A bego a bolela ka sona, eupša efela ba se dumetše go le bjalo. Ga sa nka ba botšiša dipotšišo; ga sa nka gwa ba tshwenya. Ba dumetše gobane go be le tlhatselo ya Lengwalo. “A le dumela Leo?”

¹⁵⁸ Petro o rile, “Morena, re tla ya kae? Wena o nnoši o ne Mantšu a Bophelo bjo Bosafelego.” Ba e bone. Ba tsebile seo, Yena, Yo A—Yo A bego a le, gomme ke se A swanetšego go se dira. “Ga go kgathale, ga re kgone go e hlaloša.” Le a bona, ba be ba beetšwe go Bophelo, pele ga motheo wa lefase. Ge Seetša sela se e ratha, ba e tsebile. Go be go se selo se yago go ba šuthiša go tloga go yona, ga go kgathale. Go bonagetše eke Bafarisei ba be ba Mo pinyeeditše, lehlakoreng le tee le le lengwe, ga se go tshwenye barutiwa. Ba ile thwi pele, go le bjalo, gobane ba e dumetše. Segalontšu sa Gagwe se boletše nako yeo.

¹⁵⁹ Bjale nka bolela se. Segalontšu sa Gagwe se tla bolela letšatši le lengwe, leswao le tla tla, gomme Le tla dira eng? Leswao la Laodikia le swanetše go swana boka le bile nakong yela. Go tla ba Segalontšu se bolela le rena mo letšatšing la mafelelo. Elelwang, leswao la Laodikia! Jesu o a swana maabane, lehono,

le go ya go ile; gomme mola A beetšwe ka ntle ga kereke fale. Ka go lebaka la Laodikia, re hwetša, O beetšwe ntle gape, ka ntle.

¹⁶⁰ Lebelelang, Segalontšu, “Ge motho e ka ba ofe a ka dirišana, ge e ka ba mang a ka Ntumelela ka gare, Ke tla tla gomme ka lalela le bona, gomme bona le Nna. Ke tla tla ka gare gomme—gomme Ke tla—Ke tla ba ka go bona.” A eme ka ntle ga renke ya lebaka la kereke, a kokota, a leka go tsena. [Ngwanešu Branham o kokota makga a šupago mo phuluphithing—Mor.] “Ge motho e ka ba ofe a ka bula mojako le go no dirišana le Nna gannyane nthathana, Ke tla tsena gomme ka lalela le bona. Ke tla itira go tsebjja Nnamong go bona. Ge Nka no tsena, boka Ke dirile mo tseleng go ya Emause bošegong bjola, ka Emause. Ge Nka no tsena, Ke tla itira go tsebjja Nnamong go bona.” Bjale, Beibele e rile yeo ke tsela go tla bago, gomme yeo ke tsela go lego.

¹⁶¹ Kriste, “Lalela, ikutolla Nnamong go bona, Ke tla utolla gore Ke a swana maabane, lehono, le go ya go ile. Morwa wa motho o tla utollwa mo letšatšing leo, ge bokerekibjohle le se sengwe le se sengwe gape se eba boka Sodoma le ka mokgwa wola. Ke tla ba ka ntle, eupša Ke tla be ke kokota, ke leka go tsena.”

¹⁶² Bjale, gape, ge le ka kgona go dumela po—po ponagatšo ya therešo ya iri ye yeo re phelago! Nka se be le nako go ya pele go kgabola ye. Eupša ge le sa kgone go e swara, le go kgona go bona bjale, ponagatšo ya therešo; gore Modimo o bontšha leswao, gomme leswao le ne Segalontšu sa Lengwalo. Le a kwešiša? [Phuthego e re, “Amene.”—Mor.]

A re rapeleng.

¹⁶³ Morena Jesu, feela lentšu go tšwa go Wena bjale, la tlhatsetšo, gore ke therešo. Tate wa Legodimong, re lemoga se e tla bago bofelo bja rena ge re ka hwetša go ba hlatse ya maaka ya Gago. Ke tla ya kae, Morena, go tla diregang ka nna? Bofelo bja ka bo tla ba kae, ge nka hwetšwa hlatse ya maaka, goba go aga ntlo godimo ga makobe goba kwenamohlaba? Modimo, re thuše, badumedi ba kgontha, ge eba re swanetše go ema re nnoši, go ema Lentšung. Re bona leswao la Gago, Morena. Re bona gore se sengwe se lokela go direga. Re tseba gore nako ya bofelo e fa. Re a tseba re e tshepišitšwe, bjale anke re se palelwe go e bona. Etla, Morena Jesu. O a swana. Wena o Jesu, bošegong bjo. Ge O ka no hwetša yo mongwe feela go Go laletša ka gare, gore O tsene, gona O tla itira go tsebjja Wenamong go bona. E fe, ke a rapela bošegong bjo, ka Leina la Jesu. Amene.

¹⁶⁴ Ke no ba thari gannyane, bagwera. Ke ya go ba e ka ba metsotso ye lesome goba lesometlhano, re nago. Ke ya go bitša wo mongwe, mothalo wa thapelo. Ga se nke ka lemoga sešupanako sa ka.

¹⁶⁵ Ke ne sešupanako seo ke se hweditšego ka Switzerland, ke se filwe. Ke a se waena gomme se dira alamo, eupša alamo e...ke yona le nna nako ye. Ke lebetše go e tliša. Bjale, e

a ntlhakahlakanya nako ye nngwe. Ke boletše botelele kudu. Ntshwareleng. Mohlomongwe ke tla e lokiša, mohlomongwe gosasa bošego.

¹⁶⁶ Dikarata tša thapelo, yela e be e le eng, nomoro e be e le eng? Ke dikarata tša thapelo dife o di filego? Huh? E, tee go fihla go lekgolo? Re biditše go tloga kae nako ya mafelelo, e ka ba mang o a elelwa? Tee, go thoma go tee, gona go ya go masometlhano; goba masomepedi tlhano goba felotsoko, e bile masometlhano gona. A re bitšeng go tloga go masomešupa tlhano gona, bošegong bjo. Re biditše go tloga go tee, masomepedi tlhano, le masometlhano, bjale a re bitšeng go tloga go masomešupa tlhano.

¹⁶⁷ E, masomešupa tlhano, ke mang a nago karata ya go rapela, phagamiša seatla sa gago. Karata ya go rapela E, masomešupa tlhano, phagamiša seatla sa gago. Lebelelang go dikologa go dikarata tša lena. Le ra gore ga e gona? Gona re thoma go tloga felotsoko... Oo, ke maswabi. Go lokile, E, masomešupa tlhano, mohumagadi. Go lokile. Etlal godimo fa, mohumagadi, thwi fa, masomešupa tlhano. Masomešupa tshela, masomešupa šupa, masomešupa seswai, masomešupa senyane, masomeseswai, anke bale ba bahlano ba eme. Tee, pedi, tharo, nne, re ne motho o tee o a hlaela. Tee, pedi, tharo, nne. tlhano še. Go lokile, Go lokile. Masomeseswai go fihla masomeseswai tlhano, emang, ka go E, masomeseswai go ya go masomeseswai tlhano.

¹⁶⁸ Bjale elelwang, yo mongwe le yo mongwe wa lena ka tšona dikarata o ya go bitšwa. Feela se tshwenyegeng. Re tla e fihlela. Masomeseswai go ya go masomeseswai tlhano, go lokile. Masomeseswai tlhano go ya go masomesenyane. Pedi, tharo, nne, tlhano. E, masomeseswai tlhano go ya go masomesenyane. Masomeseswai tlhano, masomeseswai tshela, masomeseswai šupa, masomeseswai seswai, masomeseswai senyane, masomesenyane. Masomesenyane go ya go lekgolo, ka go E, anke ba eme. Etlal godimo go lehlakore *le*.

¹⁶⁹ Ngwanešu Roy, nthuše go ba bala, go bona ge eba ba gona, feela motsotso, ge ke...

¹⁷⁰ Bjale lebelelang, ba bangwe ba lena fa ga le na dikarata tša thapelo, efela le a babja. Le nyaka maatla a go fodiša a Modimo, ditšhegofatšo tša go fodiša tša Modimo. Ge go le bjalo, phagamiša seatla sa gago, o re, “Ke a tseba Modimo a ka mphodiša.”

¹⁷¹ Go lokile, ge le rata, eyang tlase fale, Ngwanešu Roy, gomme mo thušeng ka pela ka kgonthe, ge le nyaka, gobane re ba thari. Eyang tlase gomme le mo thuše, ge le rata, ka pela ka kgonthe. Gomme...

¹⁷² [Ngwanešu o re go Ngwanešu Branham, “Go kaone go e bolela ka Spanish.”—Mor.] Ya. O nyaka go e bolela ka Spanish. [Yo mongwe o re, ka Spanish, “Del número noventa a cien, noventa y uno, noventa y dos, noventa y tres, noventa y cuatro,

noventa y cinco, noventa y seis, hasta cien.”] Ya, o boletše seo, le a bona, šefa bjalo go tla yo mongwe nkabego a se a tla. Le a bona?

¹⁷³ Le tla makala ka fao go lego mošwamawatle, mohlomongwe boka nako ye nngwe ka Afrika. Ke bile le bahlatholli ba lesometlhano ba eme fale, pele ga e ka ba batho ba dikete tše makgolopedi. Gomme ke tla re, “Jesu Kriste Morwa wa Modimo,” gomme go tla ya go theoga mothalo *wō*, le tsela go theoga mothalo *wola*, go mohlobo wo mongwe le wo mongwe. Gomme morago o tla tla morago le go swanela go nagana se o bego o se bolela. Gomme feela go fapanā . . . Oo, nna. Eupša ke bone badudibasetlogo ba batala ba dikete tše masometharo ba neela pelo ya bona go Jesu Kriste, ba pšhatlēla medingwana ya bona fase, boka lerole la ledimo. Go lokile.

¹⁷⁴ [Yo mongwe bjale o re, ka Spanish, “Mejor del número setentaicinco en adelante, del setentaicinco a cien.”—Mor.] Go lokile. A go ne yo mongwe a hlaelago tlase fao, goba se sengwe sengwe? Ya, e direng kgonthē. Yeo e kaone, ngwanešu. E re, a o kile wa . . . O tseba Ngwanešu Espinoza? [“Aowa, ga ke dire.”] Ya, o tšwa tlase fa.

¹⁷⁵ E ka ba mang a tsebago Ngwanešu Espinoza, mod- . . . O be a le yena a bilego le nna godimo ka Mexico City, ge lesea lela le lennyane le tsošitšwe go tšwa bahung nako yela. Ke—ke no nagana o . . . gannyane. Le kwele kanegelo ya lona, ka nnete. E be e le ka go Busniness Men’s Voice le dilo fa. Ke be ke no . . . Ke nyaka go ya tlase fale gape nako ye nngwe. Nna, batho ba babjalo ba go kokobela, gomme ba dumetše ka kgonthē. Ba be ba . . . Le a bona, kereke tlase fale ka mehla e tshepiša se sengwe, ga nke ba fihla go sona. Eupša fa ka go tshepišo ya Beibele, re go yona; ke go rena, re—re—re a e bona, gomme seo se e dira kgonthē. Go lokile.

¹⁷⁶ Bjale, bjale yo mongwe le yo mongwe wa lena mpheng šedi ya lena ka moka, bakeng sa bonnyane metsotso ye lesome.

¹⁷⁷ Mohlomongwe ke biditše ba bantši kudu. Ga ke tsebe, nka—nka no be ke dirile phošo. Go lokile, ba mohufa wa go ba retollela gohle fa. Go lokile, nno ba lesang go ya tsela yohle ka mothalong, Billy, feela ge ba—ba le ka mokgwa woo. Gomme a re no—a re no thomang, go thoma mothalo wa thapelo. Etlang godimo. Ba hweletše setulo gore ba kgone go dula fase fa, Ngwanešu Roy, goba se sengwe. Ka holong go ne sekgoba. Ke nyaka go bona batho ba bogetše.

¹⁷⁸ Le a bona, go ne selo se tee le ka se bego le sona, le ka se be le tšitišo. Moya wo Mokgethwa o boi. Ke ba bakae ba tsebago seo? [Phuthego e re, “Amene.”—Mor.] Le a bona, o swanetše go obamela nakong yeo.

¹⁷⁹ Ke ba bakae ba bilego ka kopanong gomme ba bona dilo di eya go tloga go se tee go ya go se sengwe? Kgonthē, le dirile. Ba bona ba lahlegewa ke monagano wa bona, le go hlanya; ditulo di

fofa gohle le gohle ka moagong, gomme bodiabolo ba lelekelwa ntle. Ba bangwe ba bona ba omile mphapa, gomme ba swanetše go kukelwa ka ntle ga moago; ba sa omile mphapa, le bona. Ba bangwe ba bona ba hwetše thwi fale, thwi moo ba bego ba eme; gomme ba wa ba hwile, feela thwi pele ga re Rena. Le a bona, ga re bapale kereke. Ke Moya wo Mokgethwa. Le swanetše go dumela.

¹⁸⁰ Monna o eme nako ye nngwe, a leka go mphefeanya, fale ka Canada. Ke eng yela go putla go tšwa Detroit, toropokgolo yela fale ke eng? [Yo mongwe o re, “Edmonton?”—Mor.] Aowa, go putla go tšwa Detroit. [“Windsor.”] Windsor. Ya, o tla godimo fale. Ba be ba mo hirile go ya go fefeanya batho, bakeng sa sešole. Le a tseba, go ba dira ba bogole boka dimpša, le dilo boka tše. Gomme mothaka yola a dutše ntle fale; ke ile pele ke ikwela moywa go aroga, gomme ke o lemogile. Gomme Moya wo Mokgethwa o rile mmiše, o rile, “Morwa wa diabolo, gobaneng a beile seo ka pelong ya gago go tla fa? Gobane o dirile seo, ba tla go rwalela ntle fale.” O sa omile mphapha. Yeo e bile e ka ba mengwaga ye lesomepedi ya go feta. Ba mo rwaletše ntle. Ya.

¹⁸¹ Modimo o sa le Modimo. Selo se nepile, le a bona. Go swana! Ga A tsoge a fetoga. Ge feela re ka dumela, ke sohle re swanetše go se dira ke go ba le tumelo. Bjale lebelelang ka tsela ye gomme le dumele.

¹⁸² Bjale, ge Moya wo Mokgethwa o ka dira, bošegong bjo, ga ke tsebe gore A ka dira. Eupša ge A ka tla bjale, ke mohuta ofe wa leswao le le lebeletše go lehono? Tsogo ya Kriste, netefatšo gore Jesu o a phela magareng ga ren. A yeo ke nnene? [Phuthego e re, “Amene.”—Mor.] Yo mongwe le yo mongwe o a elelwa? A Beibebe . . .

¹⁸³ Bjale a re ne leswao la Sodoma, ka lefaseng lehono? A yeo ke nnene? [Phuthego e re, “Amene.”—Mor.] Re ne leswao la Noage, ka lefaseng lehono. A yeo ke nnene? [“Amene.”] Re ne dilo tšohle tše dingwe tše? Bjale O rile go tla direga eng ka nakong yeo? “Morwa wa mothoo tla utollwa mo letšatšing leo.” A yeo ke nnene? Go utollwa ke eng? “Ke go dira go tsebja.” Eng kapa eng e dirwago go tsebja e utolotšwe. “Morwa wa mothoo tla dirwa go tsebja mo letšatšing leo.” Gabotse, ge A swana maabane, lehono, le go ya go ile, a A ka se dire selo sa go swana go itira go tsebja Yenamong? Ke ba bakae ba dumelago seo? [“Amene.”] Go lokile.

¹⁸⁴ Bjale a le na le ya lena . . . yo mongwe le yo mongwe a otlolotšwe tlase fale bjale ka mothalong? Bjale, bagwera, ga ke tsebe ge eba re tla fihla go bohole ba bona.

¹⁸⁵ Ke nyaka lena bohole le no šetša kgauswi kudu, gomme le be go hlompha, le rapele, le dumele. Bjale, hle, le a bona, gagolo ge se sengwe se direga go le tloša go nna, a yo mongwe le yo mongwe a se tabogele godimo le go ya go . . . Le a bona? Ya.

¹⁸⁶ E ka ba dikgwedi tše pedi tša go feta, ka kerekeng ya ka, Lamorena le lengwe mosong, go be go le se sengwe, Sathane a

dira se sengwe go goga šedi ya batho. Go be go na le monna wa Moisemane fale, ka leina la Way. O dula go ya ka... Le nyaka tšupabodulo ya gagwe, goba re ka ba le lena go ngwala. O romela ditheipi tša kopano go tšwa mošwamawatle. Gomme monna o nyaditše se ke se boletšego, ka pelong. Gomme ke lebeletše fase, ke bone moyā wa go šišimiša godimo ga gagwe.

¹⁸⁷ Ke bile le yena go polelotherišano ya sephiri, ke mmoditše. Ke rile, "Mna. Way, o ne bothata bja pelo." Ebile o nyaditše seo. Ke rile, "Gobaneng o tlie go nna, gona?" Kafao e ka ba kgwedi ka morago ga fao, o ile ngakeng, gomme ngaka e rile o bile le pelo ye mpe kudu.

¹⁸⁸ Kafao o tla kopanong mosong woo, gomme se sengwe se rile; monna wa Moisemane wa hlogo ya go fiša, le a tseba, o nyaditše seo. Mosadimogatša wa gagwe, mosadi wa go makatša wa Monorwegian, mooki, gomme o be a dutše kua le yena. Gomme ke boletše se sengwe, gomme o se nyaditše thwi ka pela, le a tseba. Gomme ge a dirile... O be a eme ka maoto, gomme ba be ba opela. Gomme ge a dirile, hlogo ya gagwe e ile morago, mahlo a gagwe a menogela thwi morago ka go otlologa, sefahlego sa gagwe sa fetoga bohubedu bjo boso ka kgonthe, boka teseke yela fale. O wele a hwile, mo lebatong.

¹⁸⁹ Gabotse, bjale, kereke e ile ya ya pele, batho ba goelela. Gomme ke rile, "Dulang fase. Le hlahlilwe bokaone go feta goo. Le hlahlilwe bokaone go feta goo."

¹⁹⁰ Gomme kafao mosadimogatša wa gagwe o ile fase, o be a leka pelo ya gagwe. O be a ile. O thomile go goelela. Gomme ke rile, "Kgaetšedi Way, feela motsotsotso, go fihla ke kgona go tšwa phuluphithing fa. Ga re tsebe se Tate..."

¹⁹¹ Gomme fale ke ile tlase fale, o be a no omile. Mahlo a gagwe... e be e se maitirišo, mahlo a gagwe a be a tsupoletše ka ntle thwi ka mokgwa *woo*, morago. Ga se ke kgone go kwa pelo gape go feta nka kwa ka go *yela*. [Ngwanešu Branham o tiatia se sengwe ka maatla—Mor.]

O rile, "Oo!" Thoma go goelela, a thoma . . .

¹⁹² Ke rile, "Bjale ga re tsebe se Tate wa Legodimong a ya go go se dira." Gomme ke rile, "Mohlomongwe O e dirile ka lebaka la morero." Ke rile, "Ngwanešu Way o be a nyatša."

¹⁹³ O rile, "O ntshebetše, gore o be a nyatša se o se boletšego."

Gomme ke rile, "Ga se a swanelo go be a dirile seo."

¹⁹⁴ Ke rile, "Tate wa Legodimong, lebalela Ngwanešu Way bakeng sa phošo ya gagwe, gomme ke bitša bakeng sa moyā wa gagwe go bowa."

¹⁹⁵ O rile, "Ngwanešu Branham," gomme šole o be a phela gape, a eme magareng ga renā. Le a bona? Le a bona? Le se be . . .

¹⁹⁶ Ge e ka ba eng e tloga, nno homolang, homolang. Ke e bone e direga makga a mantši kudu. Eupša ge kereke e rathagana gohle, gona, le a bona, le nyamiša Moya wo Mokgethwa. Bjale ge le nyaka go tumiša Modimo bakeng sa se sengwe, seo se lokile. Eupša ge yo mongwe le yo mongwe a taboga le go šetša *se, seo*, le batho ba emeleta, le go sepela gohle le go bolela seng sa bona, e no ba tlhakatlhakano. Lena . . . Jesu ebile o be a ka se fodiše batho ka tsela yeo, Yenamong. A yeo ke nnete? [Phuthego e re, “Amene.”—Mor.] Ge A be a le fa, O ba etetšepele ka ntle ga toropokgolo ka mokgwa woo, le go bea diatla tša Gagwe go bona le go ba rapelela.

¹⁹⁷ Bjale, bjale, mohumagadi yo a emego fa, ke mosadi yo monnyane go feta ke le. O bonala go phelega le go tia. Ga ke tsebe. Bjale, le a bona, kereke ya maabane, nako ya Modimo ga tlhatselo; beile diatla godimo ga gagwe le go mo rapelela, mo lesa a ikela, go bona ge eba o bile le tumelo go fodišwa. Ke tsela yeo Modimo a e dirilego. Eupša o tshepišitše se sengwe gape bjale, le a bona, Lentšu, tshepišo bakeng sa lehono. Ke ne kgonthé le kwešiša se ke se rago.

¹⁹⁸ Bjale ke hwetša phetogelomodumo fa felotsoko. Kafao . . . [Ngwanešu Branham o tsepanya segodišantsu—Mor.] Ya, ke nagana ye e kaone bjale.

¹⁹⁹ Bjale, ge mohumagadi yo . . . Ga ke mo tsebe, eupša Moya wo Mokgethwa o a mo tseba.

²⁰⁰ Bjale seswantšho sa Beibele sese tlwa, ponolefelo. Ge nkabe le bile godimo fale, feela boka bjale, sediba sela se sa le gona, gomme merara e metše ka godimo. Jesu o kopane le mosadi gomme O mmoditše se bothata bja gagwe e bilego, gomme o tsebile gore leo e be e le leswao la iri, gore Mesia o be a le gona. A yeo ke nnete? [Phuthego e re, “Amene.”—Mor.] O tsebile. O e tsebile.

²⁰¹ Gabotse, ge eba O a swana lehono, gomme o tshepišitše go ikutolla Yenamong go swana, gona e swanetše go ba leswao la Gagwe gape.

²⁰² Bjale ke a holofela yo mongwe le yo mongwe o kwešiša gore ga ke re seo go nna, goba ga ke se re go banešu fa, goba monna tsoko ntle fale. Ke ra gore ke Jesu, le a bona, Kriste, e se go . . . motlotšwa, le a bona. Le a bona, O hwile gore A ke a dire bodiredi bja Gagwe go tšwetšwapele ke Kereke ya Gagwe yeo e lemogago Lentšu la Gagwe. Seo ga se re seo se dirile—se dirile e ka ba eng go fapano bakeng sa ka go feta yo mongwe wa monna yo fa, e sego nthathana, goba o tee ntle fale. Bohle re badiradibe ba pholositišwego ka mogau.

²⁰³ Eupša ke tshepišo ya Gagwe! O tshepišitše go e dira. Gomme ke ka lebaka leo ke emego fa bjale, gobane O e tshepišitše, gomme O rile, “Eya o e dire.” Kafao, yeo, ga go na poifo gona.

Bjale, mohumagadi, ke nyaka o ntebelele, feela nakwana.

²⁰⁴ Go ruta le go rera. Ka mehla ge ke bile le dikopano tša ka tša go atlega kudu, go hlatheng, le go ya pele, ke ge go be go fela e le molaodi a rerago, Mna. Baxter le bona ba be ba tla rera lebakana. Gomme ga se ke be le go dira selo eupša go sepelela ntle sefaleng, go tla thwi go tšwa ka kamoreng go tšwa felotsoko, ke rapela, ke sepelela ntle fale. Ba šetše ba bile le mothalo wa thapelo o lokologantšwe. Ke nno ya thwi ka gare, le a bona. Eupša, bjale, o swanetše go ikgelempuiša wenamong morago tikologong gape.

²⁰⁵ Go rera ke mpho, go rera go go šušumeditšwego—šušumeditšwego. Le a bona? Gomme mpho, ba bangwe ke baapostola, ba bangwe baprofeta, ba bangwe barutiši, ba bangwe badiša, ba bangwe baebangedi. Tšeо ke dimpho tšeо di lego ka Kerekeng. Le a bona? Eupša go a kgonega re ka ba le go feta e tee, boka Paulo, goba e ka ba mang wa bale. Bjale, ge—ge feela go ne baapostola, go swanetše go ba le mopropfeta. Ge feela go ne mopropfeta, go swanetše go be le mo—mo moebangedi. Gobaneng go le badiredi ba re, “Go ne modiša le moebangedi, eupša ga go ne mopropfeta”? Le a bona, ke go hlaola se le se nyakago, go Le dira le bolele se sengwe Le sa dirego. Eupša Modimo ke mohlatholli wa Gagwe Mong wa Lentšu la Gagwe. O bolela ge eba Le rereša goba aowa.

²⁰⁶ Bjale ge Moya wo Mokgethwa o ka nkutollela se sengwe o se dirilego, goba o mang, goba e ka ba eng. Ke ra, ga ke tsebe, o a bona. E no ba bjalo ka toro; o bona se sengwe, se no ya morago. Gomme e ka ba eng ke e bolelago . . .

²⁰⁷ Se ke se bonago, ke a se bolela. Le a bona? Gomme gona leo ke leswao, le a bona, gomme go ne Segalontšu sa leswao. Leswao ke go e dira; Segalontšu ke se e le bolelago. Gona ge seo e le therešo, gomme seo e le Therešo yohle, gona se ke se rerago fa go Lentšu le se swanetše go ba therešo, gobane tšeо ke ditshwanelo tša pitšo. Bjale a seo ga sa netefatšwa ke Beibele bosegong bjo? Bjale a batheeletši ba dumela seo ka pelo ya bona yohle? [Phuthego e re, “Amene.”—Mor.]

Bjale se se swanetše go e rumा.

²⁰⁸ Bjale, ga ke tsebe mosadi. Seatla sa ka sese se godimo, gomme Lentšu la Modimo šele, gomme badiredi šeba ba dutše, le a bona, ga ke tsebe mosadi. Ga se nke ka ke ka mmona bophelong bja ka, ka mo ke e tsebago, gomme re basetsebane rena seng. Ga ke ne tsela ya go tseba. Ge seo e le nnete, feela gore batho ba tsebe, phagamiša seatla sa gago gore batho ba bone. Bjale a re ka ba boka batho bale ba Sikara?

²⁰⁹ Bjale ntebele. Ke ra boka Petro le Johane, ba fetile go kgabola keiti e bitšwago Botse. Bjale lebelela.

²¹⁰ O a bona, Jesu o gogile šedi ya gagwe. O a bona? O tsebile O be a swanetše go rotogela fale. Tate o be a Mo romile godimo fale, eupša O be a sa tsebe . . . Mosadi o a tšwelela, gomme O naganne seo e swanetše go ba sona. O a bona? Gomme nako yeo O boletše

le yena go fihla A hweditše se bothata bja gagwe e bego e le, morago O mmoditše.

²¹¹ Ke seo ke se dirago gonabjale. Ke nna ke itloša nnamong go tloga tseleng, gore A kgone go bolela. Bjale, ee, nka le botša phošo ke eng ka mosadi, ka mogau wa Modimo.

²¹² Bothata bja gagwe ke, o ne dikutu, gomme dikutu tše di ka mpeng ya gagwe. [Kgaetšedi o re, “Ee.”—Mor.] Nnete tlwa. A o dumela gore O tla fodiša seo le go se dira se fole? Wena, o a e dumela? O ne yo mongwe gape o bego o mo rapelela, le yena, a ga se o? A o a dumela O tla fodiša mahlo a gagwe le go mo dira a fole, mošemane wa gago yo monnyane? O a bona, go no bolela selo sela se setee, go e hlahlamolla. O a bona? Go lokile. Eya pele bjale, e dumele.

²¹³ Ga se a e swara mathomong, gobane o be a swere seo ka monaganong wa gagwe. Ke bone Seetša se fela se panyetša morago godimo ga gagwe gape ka mokgwa wola, gobane o be a rapelela se sengwe gape. Gomme, e ka ba eng e bilego, sesele se be se le. Le a bona? Le a bona?

²¹⁴ Le a bona, ge o no se dumele! Oo, ge o ka kgonia go e hlaloša! Bjale seo se swanetše go dira motho yo mongwe le yo mongwe ka fa . . . Feela motho yola o tee, swanetše go dira motho yo mongwe le yo mongwe ka fa go dumela gonabjale. A yeo ke nnete? [Phuthego e re, “Amene.”—Mor.]

²¹⁵ Go bjang? Bjale re basetsebane go rena seng, le rena, ke a eleletša. [Kgaetšedi o re, “Yeo ke nnete.”—Mor.] Re basetsebane. Ga ke ne kgopolo ka ga gago, o mang, o tšwa kae, goba—goba e ka ba eng ka wena. Eupša Modimo o tseba ka ga gago. Bjale ge A ka nkutollela se e lego bothata bja gago, a o tla ntumela go ba mohlanka wa Gagwe? [“Amene.”]

Bjale, bjale e no ba go homola bjale ka ge o ka kgonia.

²¹⁶ Bjale, ee, o—o tlaišega ka kgatelelo ya madi a magolo, yeo ke nnete, e hlotšwe go tšwa go seemo sa megalatšika seo se dirago madi a gago go ya godimo. Gomme—gomme o lapa ka lebelo ka kgonthe, makga a mantši. Motho wa go loka kudu, le a bona. Le a bona? E sego mokgopelalifiti; o a dumela. O dumela ka kgonthe. Ee, mohlomphegi. Gomme ke—ke leboga seo kudu. [Kgaetšedi o re, “Ke rapetše bakeng sa maatla, Ngwanešu Branham.”—Mor.]

²¹⁷ Gomme, e re, galego; go beng gore o motho yo mobose bjalo. O ne lapa le legolo ka kgonthe. Monnamogatša wa gago o a babja, le yena. [Kgaetšedi o re, “Ee”—Mor.] O ne kgatelelo ya madi a magolo, le yena. [“Ee.”] Gape o ne bothata bja pelo. [“Yeo ke nnete.”] O ne morwa, gomme o ne bothata bja pelo. Gomme ka gona o ne o tee yoo o tshwenyegago ka yena. [“Ee.”] Go ne se sengwe se seso. Mošemane o dirilwe moriti. Ke monwi; o nwa bjala. Gomme yeo ke nnete. A yeo ga se nnete? Nno ya pele; go lokile. Dumela bjale. Nno ya pele, ke nagana go tla loka ge o ka no ya pele le go e dumela.

²¹⁸ “Ge o ka kgona go dumela, dilo tšohle di a kgonega go bona bao ba dumelago.” Ge—ge o ka dumela gore se Modimo a se boletšego ke Therešo, seo se a e ruma. A ga o dumele yeo ke nnete? A yeo ga se Therešo? A seo ga se se A se boletšego? O dirile tshepišo. Kafao, ge A dirile tshepišo, seo se a e ruma. O rile, “Ge o ka kgona go dumela, dilo tšohle di a kgonega.”

²¹⁹ Bjale le nagana bona batho ba swanetše go—go ba le seo? Ga ba. Ga ba swanela go be ba eme fa mo sefaleng. Ga ba. Ga ba swanela go ba fa, le gannyane.

²²⁰ O no be a ne nako ye botse ntłe fale. Go reng ka wena ka go batheeletši, a o dumela ka pelo ya gago yohle? [Phuthego e re, “Amene.”—Mor.] Yo mongwe le yo mongwe wa lena?

²²¹ Mohumagadi yo a emego thwi fa a ntebeletše, thwi fale, a tlaišega ka bothata bja pelo; a aperego roko ye tsortho, moriri wo moso, a rwele digalase. O ne bothata bja pelo. Ka pela ge se boletšwe ka ga mohumagadi fale, se sengwe se rathile godimo ga gago. Yeo ke nnete. Bjale o kgolekgole go tloga go nna, eupša o kgwathile Sengwe, a ga se o? A o a dumela bjale ka pelo ya gago yohle? Ge o . . . Phagamiša seatla sa gago, ge eba ke therešo. Go lokile.

²²² Bjale a le ka ntirela monyetla? Mohumagadi yola a dutšego kgauswi le wena, yola a nago le seatla sa gagwe godimo fale, o tlaišega ka kgatelelo ya madi a magolo. Gomme ge a ka dumela ka pelo ya gagwe yohle, go tla mo tlogela, le yena. Ge seo e le nnete, phagamiša seatla sa gago. Go lokile.

²²³ Bjale mpotšeng ba kgwathile eng, ba kgwathile eng. [Phuthego e re, “Jesu.”—Mor.]

²²⁴ A o a dumela Modimo a ka fodiša bothata bja pelo, o dutšego fale, o rapela, le wena? A o dumela A ka fodiša pelo ya gago? A ka dira ge o ka Mo dumelala. Feela, O e dirile ge o ka no e dumela, eupša sa pele o swanetše go e dumela.

²²⁵ O swanetše go e dumela. O tlemegile go e dumela, gobane yeo ke tsela e nnoši yeo Modimo a kgonago go fodiša. A le dumela seo ka pelo ya lena yohle? [Phuthego e re, “Amene.”—Mor.]

²²⁶ Mohumagadi yo a dutšego fa a aperego roko ya go bogega boso, se sengwe se phošo ka molala wa gagwe. A o a dumela gore Modimo o tla o dira o fole, mohumagadi? O a bona? O a bona, ga wa swanela go ba godimo fa mo sefaleng. O a bona?

²²⁷ Bjale lebelelang, feela ka pela ge Seetša sela se mo tlogile, Se ile morago thwi; mohumagadi o thomile go lla, a dutšego thwi ka morago ga gagwe. Mohumagadi thwi ka morago ga gagwe o thomile go sehumola. E be e le eng? O bile le maikutlo a go tlaba ka kgonthe a etla godimo ga gagwe. Ge seo e le nnete, mohumagadi, thwi ka morago ga gagwe, phagamiša, phagamiša seatla sa gago. Yeo ke nnete, maikutlo a go tlaba ka kgonthe a etla godimo ga gago. Bjale, lebaka Se dirile seo, gobane O nyaka

go go fodiša go bothata bja mogodu, le go go fodiša. A o a dumela O tla e dira? Amene. O a bona, ge o ka no dumela, nno dumela!

²²⁸ Monna yola a dutšego thwi fale a ntebeletše ka go nyakišiša bjalo. Ke ramatika. O dutše ntle fale, mo bofelong bja setulo ntle fale, a o a dumela gore Modimo o tla go fodiša ramatika le go go dira o fole? A o tla e dumela? Modimo o tla go dira o fole le go go fodiša, ge o ka kgona go e dumela.

²²⁹ A ga o bone gore O no swana maabane, lehono, le go ya go ile? A o ka se dumele seo ka yohle ya gago . . .

²³⁰ Go ka reng ge nkabe ke sa bolela selo go wena? O a tseba ke a tseba ke eng phošo ka wena. Go ka reng ge nkabe ke se bolele e ka ba eng, eupša go no go dira o ye pele go kgabola, a o ka e dumela ka pelo ya gago yohle? Ke a dumela o fodile o eme thwi fale. Kafao nno ya o dumele, go fedile bjale. Gomme o tseba seo, le wena . . . pelo ya gago yohle.

²³¹ A o a dumela gore Modimo o go fodišitše, gomme o tla fodiša papago, le yena, le go le dira bobedi go fola? A o nagana o tla tšwa sepetlele, ka bothata bjola bja pelo? . . . ? . . . Ge o e dumela! O a bona?

²³² Ge o ka no dumela feela, seo ke sohle o swanetšego go se dira. O a bona? A ga le bone ke Yena? [Phuthego e re, "Amene."—Mor.]

²³³ Go bjang, mohumagadi? Ntebelele feela motsotso. O ne bofokodi. Yeo ke nnete. Mmago o a babja, le yena, fa. A ga a? [Kgaetšedi o re, "Ee."—Mor.] O ne bothata bja pelo. A o a dumela gore Modimo o tla fodiša mmago ka bothata bja gagwe bja pelo? E re, galego, feela motsotso, monnamogatša wa gago o fodišwa go bothata bjola bja mogodu, le yena. E re, feela nakwana, morwedi wa gago o bile le se sengwe sa phošo ka mogolo wa gagwe. A o a dumela O fodišitše woo gape? ["Ee."] Ee, motlogolo wa gago o ne go idibala, boka go idibala, lesea le lennyane. A o dumela yoo o fodišitšwe, le yena? Go lokile, eya o e dumele.

²³⁴ Haleluya! Re dira eng? Gobaneng re sa Mo dumele? A le komana go Mo dumela?

²³⁵ Gona a re emeng ka maoto a ren a ge A sa bitša, Moya wo Mokgethwa. Emelelang gomme le Mo fe tumišo, gomme Mo dumeleng gonabjale, yo mongwe le yo mongwe wa lena. Ke kwalakwatša gore Moya wo Mokgethwa o fa, Beibele e phethagaditšwe. Gomme Leineng la Morena Jesu Kriste, anke yo mongwe le yo mongwe—yo mongwe le yo mongwe wa lena a Mo fe tumišo bjale, gomme o tla fodišwa. Amene.



SEGALONTŠU SA LESWAO NST64-0214
(The Voice Of The Sign)

Molaetša wo ka Ngwanešu William Marrion Branham, setlogong o abilwe ka Seisimane ka Labohlano mantšiboa, Feberware 14, 1964, ka Elliott Auditorium ka Tulare, California, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org